


ГЕННАДИЙ ФЕДОРОВ

ТРАКТОРИСТКА ВАСМИСА





Г Е Н Н А Д И И
Ф Е Д О Р О В

ТРАКТОРИСТКА ВАСИЛИСА



КОМИ КНИЖНОЕ
ИЗДАТЕЛЬСТВО
СЫКТЫВКАР 1970

Геннадий Александрович Фёдоров старшій поколенияса коми советско́й писательяс лыдысь өти. Сійö ассыс творчествосö заводитö кызьöд вояс помын. Писательлөн творческо́й туйыс вель нин кузь. Тайö кадколастö сійö удитис гижны уна песни и гирысь гижöдъяс. На лыдын «Кыя пегигөн» роман, повестьяс, исьтьяс да пьесаяс.

«Трактористка Василиса» повесть вöли гижöма комынöд воясö. Авторлөн тайö медводдза повестьяс лыдысь өти, көни мунö сёрниыс республикалөн вөр промышленностьса йöз йылысь. Произведениеыс йиджтысьöма первой пятилетка воясса атмосфераөн, кор съод парма шöрын заводитö юргыны тракторлөн вына горыс, кор паськалö ударничество. Вөр лэдзысьяс да коми сиктьяс олöмын мунö вуж выйөнсяныыс вежсьöм. Повестьын тайöс петкöдлöма йöз костын сложной болысьöмъяс пыр, кодъяслөн олöм туйясыс да видзöдласьясыс ылöдз абу öткөдöсь.

Повестьса шөр геройыс — Василиса Шудова. Сійö гражданско́й война воясö пöгибнитöм гöрд партизанлөн ныв, комсомолка. Съөлöм тшöктöм сертиыс Шудова тöдмасьö вель, сійö кадö нывъяслы быттö лöсявтöм профессияөн — пуксьö трактор руль сайö да заводитö кыскавны вөр зон трактористъяс моз жö, но оз омöльджыка, а весиг бурджыка. Сійö петкöдлö удж дорö бура относитчöмлысь пример. Василиса тшöтш и активной общественница. Сійöс, кызди вожатöйöс, радейтöны пионерьяс.

Выль том мортлөн характер формируйтчöм йылысь, сьöкылдуньяскöд вермасьöм йылысь, вöрын уджалысьяслөн радлуньяс да тöждысьöмъяс йылысь и висьтавсьö тайö интересной повестьяс.



I

Шемыд төвся рытө туй кузя рөдтис пара вөла. Кошовка доддын вуграліс шоныда пасьтасьом морт. Мукөд дырйи восьтылас синсө, видзөдлас гөгөрыс да бара вугыртө. Син водзаө пыр өти пөлөс сийө жө гажтөм серпас: вөр и вөр, помыс абу сылы. Пыр сідз жө вомгор улас мыйкө сьылө гөна шапкаа дядьө, мукөд дырйи веськөдчылас, өвтыштас плетьөн да горөдас вөвьяслы:

— Э-ге-гей, донаяс! Визувджыка, тэрыб кокьяс!.. Доддын пукалысь морт мудзис, тыдалө, веськөдыштис позялөм коксө, дзирнөвтчыштис да юалис ямщиклысь:

— Эй, кылан? Кыдзи тэнö шуоны?

— Ёгорөн, бур морт!— бергөдчылөмөн висьтасис тошка дядьö.— Мөдей Ёгорөн.

— Татчөс?

— Татысь, Чөддінысь.

— Руч Иванөс төдан?

— Төда. Бригадирөн уджалө, кер сөвтö. Неважөн на тані олө, тракторной база воссьөмсянь. Виль керка лэптис. Зэв киподтуя, зіль морт. Гашкө, төдан да?

— Неуна...— шуыштіс доддьын пукалысь морт, очсыштіс да водзө кутіс сёрнитны:— Ёна жө гажтөминын, видзөда да, оланнуд, Ёгорей праведной. Дзик жө нин чөрт кулига!

— Мыйла чөрт кулига!— быттьö весиг дөзмыштіс ямщик.— Оти ног, дерт, парма вөр. А мөдарөкө босьтны, коми мортыд вөртөгыд — нинөм! Мый көть эн сёрнит, бур морт, а вөр-ва матушкаыс и вердан-вердысьыс миян. Ачюд артышт: черид и яйид, зверид и пөткаыд, тшакыд и вотөсыд, ставыс! Сэссия бара жө кердор уджыд бур нажетка дядьөидлы. Эн, эн шу, бур морт, парма-вөр йылысь лектор. Шогыс и гажыс миян сэн! Да и бара жө, кытчө өні он видзөдлы, ставыс виль. Босьтны көть миянлысь тракторной база. Тырыс машина, ёнысь-ён. Олам заводын моз. Эм контора, лавка, столөвөй, мастерской, ыджыд пывсян... Аски, колөкө, тшөтш ветлам пывсьыны. Ок, бура корөсьөн швачөда мыштö! Коя сідзи — пельыд донавлас! А тэ — чөрт кулига шуан!

— Но, но, ладнө, мед тэ ног!— бурись серөктөмөн шуис доддьын пукалысь.— Дыр на огө воө?

— Регыд нин. Со тай!— кинас индіс водзланьö ямщик.— Аддзан, вөр весьтас кыа ворсө? Чой йылас Чөлдін сикт, а горулас тракторной база... Тэ нө эськө мый мөгөн миянө локтан, бур мортö?

— План тыртны мөдөдүснү. Оз пө тай тыр планнүд, чотаннүд.

— Ме сы делөысь нинөм ог куж шуны. Наперво тай вөрсө гольөдөны-лэччөдөны ягысь адөй уна! И ставсө машинаясөн. Важөнтө вөлі мый мырсям сортовка дорад! Вөлыд мый мучитчө коньөр! А өні будь чудеса! Оти тракторыс, гашкө, сө вөвлы воча кыскө... Асьтө нө кыдзи эськө шуөны?

— Бобровөн. Инженер Бобров.

— Но-но-но! План тыртны, сідзкө?— Мися жө меным шуисны: бура пө вай, эн некытчө пөрөд ни нинөм!

Бобров нюммуныштис, перйис да өзтис папироска, юаліс мышвыв сетчөмөн:

— Виччысьөны?

— Виччысьөны. Важ натшальникным виж висьөмөн висьмис, карө лэччөдүснү. Ме жө и колльөді вөлөн. Аперация пө кутасны вөчны... А тэ нө эськө кутшөм натшальник лоан, йөз вылын али машинаяс вылын?

— И машинаяс вылын и йөз вылын. Машинаясүд йөзтөг оз уджавны.

— Оз, дерт,— кывйө воөдчис ямщик, сэссия гажаджыка нин содтис:— А со тай и тыдовтчис миян гортным! Ноко, өддзөдчылөй, тэрыб кокъяс! Эк, ті!

Бобров кыпөдчыштлөмөн видзөдліс, кытчө пон ку кушеньчанас индіс ямщик.

Вөрса туй петкөдіс паськыд ыб вылө. Водзын мичаа нин тыдалісны ва дор пөлөн кузяла сямунөм электричөскөй бияс. Зарни кодзувьяс моз найө дзирдалісны, чуксалісны ас дораныс.

Вөла туй лайкнитчис лэччыны паськыд курья дорө.

Бобров казяліс водзысьджык мөд паськыдджык туй,

кыдза раскысь петö, вомöналö ыб вывсö да горувлань лэччö. Тыдалö, тракторён кыскасян туй.

Бобров сюся кутіс видзöдны ас гөгöрыс: электрической биясөн саякйысь база вылö, ылынджык тöдчан Эжва ю вылö, рудöба тöдчыштан курья вылö.

«Улыс складныс, буракö, сәні,— думыштіс сійö, кор курья помысь казяліс гырысь кер чукөрьяс.— Сэтчö, тыдалö, и лэччöдлöны тракторьясөн керсö ягысь. Местаыс ыджыд, паськыд, уна төрö. А тулыснас, воссе ваыс да, Эжва кывтчöс вöрсö молльöн мөдöдасны,— Архангельскö вөр пилитан заводьяслы, морской пароходьясөн Англияö. Пятилетка! Индустриализация! Валюта колö!.. Эх, Англия, Англия!..»

Туй чукуль сайысь Бобров казяліс тыра состав. Мыйкö, буракö, лоöма, сулалö. Машиналөн моторыс, кылö, уджалö, а морт лов оз тыдав.

— Сулавлы, ямщик! Ветла видзöдла, мый сәні!— шуис Бобров, чеччис доддысь да мөдöдчис тракторной составлань.

Машина дорын некод эз тыдав. Тракторыс выль на, абу на ёна вöдитчöмаось, моторыс шаня уджалö.

«Но кöні трактористыс?»— шензьыштіс Бобров. Мумыштіс да гольдöм-киссьöм тракторной додь дорысь аддзис и войтырсö. Найö кыкөн. Пукалöны муö тупыльтчöм кер вылын да куритчöны. Чужöмьясныс зумышсь.

— Мый лои тиян?— юалис зоньяслысь Бобров.

— Со тай мый лои!— дөзмөмөн шуыштіс кузник тушаа зонмыс. Сійö, тыдалö, и вöлі трактористыс, а мөдыс — сылөн отсасьысь.

Бобров гөгөрвоис: чойгорув лэччигөн тракторной додьясыс öдöбвылысь кучкысьöмаось шыбөльö, нельöд комплектлөн стойкаясыс вөрзялöмаось, пөрöмаось.

и керъясыс гольдöмаоьс. Кымынкö кер тупыльтчöмаоьс бөрвывса додь сьув улö. Абу эськö жугöдöмаоьс, но керъяссö чукöрттöг он вермы водзö мунны.

Бобров довкйöдлыштис юрсö, дивитöмөн юалис:

— Мый нö, тьöща ордö блин сёйны тэрмасынныд вöли, другъяс?

Тракторист нинöм эз шу, сьöлыштис, чеччис да мунис машинаыс дорö, моторсö сувтöдис.

Трасса вылын тыдовтчис мöд состав. Кузь сьöд нюглей моз сийö петис кыддза раскысь, фараясөн аслыс туйсö югдöдигмоз кутис матысьмыны чой йылö.

Бöрса поезд öдсö вочасөн пыр чинтис да зэв виччысьмөн, ньöжйöник лэччис чойгорув, недыр мысти сувтис аварийной состав бöжö.

«Талөн трактористыс сюсь!— думыштис Бобров.— Тöдö ассьыс уджсö. Со кутшöм бура, лючки-ладнö лэччис».

Локтöм составлөн тракторист пелька чеччыштис муö, збоя горöдис:

— Лыткин! Мый тэнад? Дыр кутан сулавны?

Лэчыда юрган гөлöсыс серти Бобров гөгөрвоис: абу зон тайö, а ныв, көть эськö тшöтш жö сэтшöм жö ватной фуфайкаа, шапкаа да весиг гача. Но, тыдалö, збой нылыс. Здукөн кытшовтис гольдöм комплект гөгөр, копра-сис-видлалыштис, котöртис водзö. Бобров сы бöрся мөдöдчис, но эз на удит воны чöv сулалысь трактор дорö, казялис мыйкö тешкодьтор. Тракторист да трактористка нето кутласисны, нето вермасисны.

— Толькö лысьт кинад вөрзьöдны!— тэрыба шуалис трактористка.

Бобров уськөдчис на шöракостö, горöдис:

— Эй, эй! Мый ти вöчанныд?

Зон шыбитіс нывлы кок улас разводнӧй ключ да шуис:

— На, босьт, колӧкӧ зэв. Нинӧм абусыс зык лэптан..

Ныв копытчыліс, босьтіс лым вылысь разводнӧй ключ, чышкыштіс фуфайка соснас.

— Босьта, дерт!— вочавидзис ярскӧба сійӧ.— Карын курсъяс вылын велӧдчигӧн премия пыдди меным сетісны. Кык лун нин корся: абу и абу, быттьӧ сыліс. Кытчӧ лои, думайта? Вӧлӧмкӧ, со коді босьтӧма! Пуклӧс улас дзевӧма. Абу и яндзим, Сергей?

— Яндзим... Мыйысь? Ыджыд тай добра ключ!— бугжыльтчывліс тракторист. Чужӧмыс са визьяса, шапка пельясыс лӧтъялӧны. Ныв видзӧдіс сы вылӧ, эз вермы кутчысьны да гӧт-гӧтӧн серӧктіс:

— Ой, Сергей! Кутшӧм тэ тешкодъ! Ракаяс повзясны!.. Ме, гашкӧ, сэтшӧм жӧ да?

— Нинӧм ог гӧгӧрво!— гораа шензьыштіс Бобров.— Мый ті, гораньӧн ворсанныд, али уджавны петӧмныд?

— А тэныд кутшӧм мог сэтчӧдз? Коді тэ сэтшӧмыс кылан?— юаліс тракторист.

— Ме — инженер Бобров, Борис Венедиктович, локта базаӧ.

— Борис Венедиктович! Видза оланныд!— збоя горӧдіс трактористка.— Ме Шудова Василиса, а тайӧ — Лыткин Сергей. Ми ськӧд ордйысям.

— Мый тэ, Шудова, изан?— чуймис зон.— Кыдзи ми тэкӧд ордйысям?

— А вот сідзи жӧ и ордйысям — кодлӧн унджык авария лоӧ,— наяна бытшкыштіс Шудова.

— Авария... Ме али мый мыжа! Вой, пемыд, нинӧм оз тыдав. Аддзан, чойгорув кыдзи шыбӧлитӧ тани.

— Эн тэрмась, абу тэ Пер Вась!— серөктыштис ныв. Трактористлы шуткаыс эз лөсяв, пыр и вомалис:

— А тэ, гача чача, эн ёна лэптысь! Төлыс кузь, ставыс на водзын. Видзөдлам, коді унджык кыскас вөрсө! Но да мый тэкөд сёрнитны!— кинас өвтыштис лөгасьём зон, коксө пыркниттөг звирк кайис кабинаө, сөсянь горөдіс отсасьысьлы:

— Мишө! Ме бөрвыв сетчышта, а тэ торйөд составсө!

Мотор скөра мурөстис. Но машина эз на удит вөрзөдчыны, Шудова вөрса кань моз чеччыштис зон дорө кабинаө, зырыштис веськөдлан рычагъяс дорысь, бөрсувтөдіс мотор.

— Тэ мый көсьян вөчны?— сибдөм гөлөсөн юалис ныв.

— Мунны! Гортө!

— Гортө? А керъясыс? Татчө колям? Тэ вөсна и меным оз позь мунны!

— Тэ кыз гажыд, колөкө лэбзы!— дэльөдыштис зон.

— Абу и яндзим дэльөдчынытө!— вомалис трактористка.

— А мый вөчны? Но, мый? Мудзим, кынём сюмалө и.

— Кынём сюмалө!— эльтыштис ныв.— Да тэ гөгөрво, дур юр: тэкөд ми эновтам татчө тыра кык состав. Витсө сайө кубометр вөр оз лок улыс складө. Бара лоө план ордөма! Мый шуасны ёртъяс? Синманым сёлаласны! Сідз өд, начальник?— Бобровлысь юалис трактористка.

— Дерт, сідз,— шуис Бобров.— Гашкө, тадзи вөчам: ме муна базаө, тшөкта ыстыны йөзөс, а ті тані виччысьөй.

— Мыйла виччысьны!— пыркнитіс юрнас Шудова.— Базаысь йөзтө кор на ыстасны да кор на найө локтасны! Сэссия кодөс, кытысь корсян татшөм сёрнад? А ми нө асьным муысь керьяс лэптыны огө вермөй али мый? Видзөдлөй, кымынөн тани! Вай огө кутөй кад воштыны. Ме матыста тракторөс, югдөда, мед тыдаласджык. А ти, зоньяс, заводитөй чукөртны керьяс. Öдйө, öдйө, нинөм дыр көсйыны!— тшөктіс зоньяслы ныв да эз кут виччысьны налысь вочакыв, котөртіс аслас машинаыс дорө. Кыськө сэсянь нин, кылө, кутіс горзыны:

— Зоньяс! Эй-эй, зія! Ме дзик пыр локта!

Зоньяс видзөдлісны мөда-мөд вылө: воштысьны некытчө. Мый көть эн шу, а нылыс прав, дерт. Трасса шөрө кольны кык состав — таысь некод оз ошкышт. Сы шөрө и выль начальник видзөдө. И Лыткин өвтыштіс кинас да шуис зоньяслы:

— Мөдімө, зоньяс, видлам, мый артмас. Синьяс полөны, а кияс пө вөчөны!

— Гашкө, отсыштны тиянлы?— юалис Бобров.

— Ти жө бур паськөмаөсь!— шуисны сылы зоньяс.

— Нинөм!— вочавидзис Бобров да кутчысис отсавны зоньяслы керьяс быгельөдлыны.

Сэк коста Шудовалөн тракторыс гызымтіс-локтіс аварийнөй состав дорө да койыштіс уджалысьяслань кык югыд би кольта. Зоньяс чукөрысь трактористка казяліс Бобровөс да гажаа горөдіс сылы:

— Борис Венедиктович, тыдалө öні уджавны?

— Зэв бур!— сідз жө гажаа вочавидзис мөдыс.

Бөрынас, авариясб кор лои бырөдөма да тракторнөй составьяс мөдөдчисны улыс складлань, керьяс быгельөдлөмысь мудзыштөм Бобров пукаліс аслас доддын,

куритчис да мөвпаліс: «Збой, збой нылыс! Видзөдтө, ставнымос веніс».

Шойччыштөм вөвъяс збоя котөртісны базалань. Доддын пукалысь Бобровлы мичаа тыдаліс, кызди вөрса поездьяс лючки-бура матыстчисны нин улыс складлань.

II

Мудз вылысь Бобров узис войсө бура да садьмис югыдөн нин.

Төрыт сійос виччысьоны нин вөлөм. Выль начальстволы индісны комната. Патера сюртөдз сійос меститісны базаса керкаө, көні олісны трактористьяс.

Кык судта ыджыд керкаын кылісны кок шыяс, кадысь кадө клопкакыліс өдзөс. Уна таса квадратной өшиньод пырис асья югыдыс.

Бобров разис чемодансө, перйис мыссян көлуй. Пельпом вылас өшөдіс сырья пома ки чышкөд да петіс коридорө, көні паныдасис тшөтшкөртөм юрсиа нывкакөд. Сылөн киас тшөтш жө вөлі ки чышкөд да майтөг. Бобров шыасис сы дорө:

— Висьталөй, көні позяс мыссьыштны?

Ныв сувтовкерөмөн видзөдліс да нюмдіс.

— Ме мыссьыны жө муна. Мыссяніныс өти миян, эстөні.

Нывкөд орччөн восьлалігөн Бобров гусьөник чөвталіс сы вылө синсө.

Нылыс съөд юбкаа, рудов свитера. Шөркодь туша-сө кутө веськыда, мунигас шенасьө прөст кинас. Съөд юрсисө лөсьыда тшөтшкөртөма. Гөгрөс чужөмыс лөсьыдик, весиг позьө шуны мича.

Мыссянінөдз найö чөв локтісны.

— А ми өд, буракö, төдсаөсь нин, — цинкөвöй умы-
вальникысь көдзыд ваөн мыссягөн шуис нылыс да ба-
ра нюмдіс.

— Ме сійö и думайта, көнї ми аддзысьлім? — кисö
майтөгалигтыр висьталис Бобров.

— А төрытсö нө? — серөктіс ныв. — Отлаын кер
сөвтім.

— Ах, да! — майдөгөсь кинас кымөсас аслыс шлап-
кис Бобров да тшөтш жö серөктіс. — Шудова Васили-
са... А вичавны кызди?

— Григорьевна, — содз тыр ва чужөмас; койыштөм
бöрын шуис ныв да кутіс чышкасьны. Чужөм баньяс-
ыс öзйыштісны, быттö өмидз ваөн сэт мавтыштісны.

— Ме тіянөс талун эг төд, Василиса. Төрыт вöлін-
ныд мөд паськөмаөсь дай сэсся... Онö лөгасьöй, веськы-
да кө висьтала?

— Вот ещö, мыйысь нө лөгасьны? — öшинь дорö
сувтөмөн ныв кутіс гребенкаөн сынавны юрсисö.

— Збойөсь зэв кажитчинныд. Ме эськө весиг
шуи — лөкөсь, скөрөсь, — кывьяс бөрийөмөн висьталис
Бобров. Василиса бергөдчыліс да сюся видзөдліс сы
вылө.

— Скөрмытөгыс некызди оз позь да! Мөд ног эсь-
кө, чайтанныд, вöрыс локтіс улыс складö? Гашкө, öнї
на сэнї сулалө. Сергейлы мый юрас воас, сідзи и вөчас,
а бöрыннас сэсся чуньсö курчавны кутас.

— Да, да, сійö дась вөлі усйысьны төрыттö, — бри-
төм юрсö умывальник ваөн киськалігтырїи сёрнитіс
Бобров. Сэсся веськөдчис да кутіс косөдчыны сырья
дора ки чышкөдөн. — Тыдалө ковмас кодлысюрö зэлö-
дыштавны гайкаяс — дисциплина жеб. А кутшөм ключ

вөсна төрыт ті вөлі мырддысянныд? Ме збыльысь повзылы. А кучкис кө нө эськө сійө тәнө?

— Менө?— серөктыштіс Василиса.— Оз лысьт. Ачыс мыжа да ещө и кучкыны! Менам разводной ключ вылө сылөн век вөлі вежыд петө. Сергейкөд ми өтлаын курсьяс вылын коркө велөдчылім, ме сійөс бура төда. Сідзсө өд абу лөк морт, сөмын оз ылысь аддзы.

— Тамыш синма? Сідзкө сылы оз позь лоны трактористөн. Гашкө сы вөсна и авариясыс артмөны сылөн да?— юалис Бобров. Василиса серөктыштіс да вочавидзис сылы:

— Синмыс сылөн варышлөн кодь бур. Ме ог сы йылысь, мөдтор йылысь сёрнита. Олө сійө ас радиыс сөмын, мед эськө аслыс бур, а мукөдтор веськодь сылы. Но да мый ми тан сёрнитам? Менам самөвар пуктөма. Мунамө чай юны, Борис Венедиктович,— юрсисө пыркнитігмоз шуис Василиса да кокниа тувчалөмөн мөдөдчис коридор кузя аслас комнатаө.

Бобров нимкодьпырысь муніс Василиса ордө. Сылы окота вөлі бурджыка төдмасьны татчөс уджалысьяскөд.

Пызан вылын сьыліс еджыд самөвар. Чай юигөн найө сёрнитісны өти да мөдтор йылысь.

Комнатаыс Василисалөн вөлі югыд да пельк. Ошиньясын занавесьяс, порог дорсянь джодж шөрөдз вольсалөма ас кыөм джодж дөра. Зеркала водзын сулалан ичөт пызан вылын лөсьыда тэчөмөн куйлісны кнйгаяс. Комнатаын лишнойыс нинөм эз вөв. Ставыс ас местаас.

Бобров пукаліс коксө вежыньтөмөн, улөб мыш вылө лэччысьөмөн. Киясас стөкан кутігтыр да кадысь кадө ичөт паньөн гудралыштөмөн, сійө ыджыд вомтырөн чурскис чөскыд сук чай.

— Но, а төрыт сэсся кыдзи-мый ті? Бура воин-

ныд?— юалис сійö. Ныв довкнитис юрнас.— Да, да, ме мөд ног эг и чайтлы.

Бобров чеччис да, папироска öзтөм бöрын, кутис пöкаживайтны комната кузя.

Сійö зумыда тувччалис кузь чөръя пимиа кокъяс-нас. Тушанас абу ёна ыджыд, ки вомлөсөн мыда Василсаысь джуджыдджык. Улыс черлыыс ён, тшöкаыс вожалöма кодь. Сёрнитö мургана гөлөсөн, пасьтасьö чистöя, асьсö бура кутö. Төдчö, велөдчөм морт.

— А тайö кодлөн?— друг юалис Бобров да, кияссö зептас суйöмөн, сувтис зеркала водзö. Сэни, стенин, öшалис важиник матросскöй фуражка. Сійö пöv-мөдысь нин веськавлис Бобров син улас, но син пыр и мунлис. А öнi чуймөдис сійöс. Öти-кö, нылыс олис öтнас, мөд-кö, фуражкаыс вöли важ, флотскöй.

— Батьлөн,— ышловзьöмөн шуис ныв, чеччис, босьтис киас сійöс да донаторийöс моз малыштис эжтыс.

— Тэнад батыд вöли матрос?— юалис Бобров да босьтис ныв киясь флотскöй фуражка. Чужөм дорас вайөдөмөн гөгөрбок видлалис да мөвпыштис: «Тыдалö, ён морт вөлöма: со мый ыжда пытшкөсыс...»

— Да, матрос вöли...— ышловзьöмөн вочавидзис Василса. Тöv йылын ветлөмысь воймыштөм кучика чужөмбаныс сьлөн жугыльмис. Парьясыс плөть тоपालсны. Кык синкым костас падвежасисны кык чукур.

Бобров казялис нывлысь жугыльмөмсö да, фуражкасö бөр сылы мыччигтыр, юалис:

— Мыйкө лолі ськөд?

Вася пунктис аслыс юрас фуражкасö да мунис öшинь дорö.

— Дас öкмысөд воын...— висьталис ныв... Гырысь сьод синьясыс сьлөн видзөдисны контора керка вевт

вылын дӱлалан гӱрд флаг вылӱ. Бобровлӱн юасьӱмыс кыпӱдӱс сы вежӱрын важ йылысь казьтылӱмьяс.

...Василиса муртса сер-сер помнитыштӱ батьсӱ. Ичӱт на сӱк вӱлӱ ачыс, радейтлӱс пукавны бать пидзӱс вылын да кывзыны висьтъяссӱ сылысь, кытчӱ-мый во-лӱма, мый аддзылӱма, мый тӱдлӱма. Медся нин ӱна ичӱт нывлы сьӱлӱмас пуксьывлӱс революционнӱй тыш мунӱм йылысь батыслӱн висьт. Волӱма сийӱ Петрогра-дӱ 1917-ӱд воын.

...Отпыр батьыс локтӱс тӱждысян чужӱма. Пуктӱс ружьесӱ пельӱсӱ да кутӱс чукӱртны ноптор. Сӱйигӱн висьталӱс мамлы: «Белӱйяс локтӱны... Ми мунам тась, но регыд бӱр виччысьӱй».

Сӱсся локтӱсны белӱйяс. Мам гусьӱник бӱрдӱс да ышлалалӱс. Белӱйяс кыскалӱсны мамӱс допрос вылӱ, волӱсны шобсьыны.

Мыйкӱ дыра мысти, воын, кодкӱ тарк-тарк куч-кыштӱс ӱшинь тасӱ. Мам петӱс восьтыны. Пырис бать-ыс. Кутлӱс, окалӱс. «Гажӱй бырис да тӱянӱс, шуӱ, лок-тӱ аддзӱдлыны. Ӳн полӱй, белӱйяс регыд нин весася-сны. Россиясянь локтӱ миянлы отсӱг».

Ӳз дыр ов бать, бӱр кутӱс лӱсьӱдчыны мунны. Но... друг грим-йирк ӱдзӱсӱ. Мам повзьӱмысла пуксис крӱ-вать вылӱ да, косӱ шыбитӱм чери моз, паськыда вомсӱ восьталӱмӱн апалӱс сынӱдсӱ. Сӱсся уськӱдчис батьлы морӱс вылас. Бать шуис: «Прӱщайтлӱй... Сюра кӱ, на кыысь ловъя юрӱн ог мын. Заводитла пышйыны. Пемы-дыс, гашкӱ, отсалас». Кутлӱс, окалӱс и петӱс. Вель дыр нинӱм ӱз кыв. Сьӱлӱм йиран чӱв-лӱнь ӱшалӱс керка пытшкын да сы сайын. Ӳня-ныла пукалӱсны порог дорын, мӱда-мӱдсӱ топыда кутӱмӱн; мамыс мыйкӱ вашкӱдӱс тӱралан вом дорьяснас... Сӱсся чӱв-лӱньсӱ чашнитӱс лыйӱм шы, мӱдысь... Кутӱсны горзыны. Мам уськӱдчис

восьтыны кильчө, да кор петісны ывлаө, батьсө буретш
вөлі белөй салдатъяс петкөдөны керка мыш сайысь.
Чужом кузяыс сылөн визувтіс вир. «Прощайтлы, дона
ныв, Васюк!.. Прощайтлы, муса гөтыр Ануш!»— горөдіс
сійө медбөръяысь. А рытнас, висьталөны вөлі сиктсаяс,
көмтөгыс лэччөдісны йи вылө да лыйлісны...

— Да, гажтөмтор висьталін, Василиса. А кодъяс
луйлісны — тэ помнитан?— чөв олыштөм бөрын юалис
Бобров.

— Ог, ме вөлі ичөт на,— негораа шуис Василиса,
локтіс да бөр өшөдіс ас местаас фуражкасө. Сулалыштіс
сы дорын, ыджыда ышловзис да муніс пызан дорө, бось-
тіс ки чышкөд да лөсьөдчис тасьті-паньяс мыськыны,
пызан выв идравны.

— Он нин юй, Борис Венедиктович?

— Аттьө, тырмас. Зэв ыджыд пасибө чөскыда вер-
дөм-юкталөмсьыд. Ме видзөда, тэ не сөмын бур трак-
тористка, но и бур көзьяйка,— ошкыштіс Бобров.—
И оланіныд ур поз кодь, гөгөр дзим-дзурк. И пызан
вылад быдсяма чөскыдторйыс.

— Кыськө нин чөскыд — пув, тшак да картопель!—
ошкыштөмыс любө лои нывлы, нюммуныштіс быдөн.—
Ме радейта, гөгөр мед мича да бур.

— Ошкантор сійө. Отнад и олан?

— Отнам.

— А мамыд?

— Бать бөрын регыд и куліс.

Недыр чөв олыштісны. Василиса идраліс пызан вы-
лысь сөян, пелькөдчис керкаас. Бобров куритчис, гусьө-
ник чөвтлывліс ныв вылө синсө.

Руд свитера тайө нылыс төрыт трасса вылын, машина
дорас да уджалан паськөма, мөдджык кодь кажитчис.
Стежитөм ватной фуфайка, кыз, шоньд гач да гын сапөр

эз, дерт, баситны сійос. Зон не зон, да и нылон он шу. Мыйкө шөракостас быттьө вошөма. А өні гортас абу эськө торъя и вөччөма, но видзөдны — мөд морт. Съөдов юбкаыс, шерстяной свитер лөсьыда пукалісны, төдчөдісны вөсни коска туша мыгөрсө. Топыд яя, вылын морөса, гырысь съөд синъяса — он шу, гашкө вывті мичаөн, но и мөдарө он жө шу.

«Кодлыкө бур гөтырпу лоө!» — думыштис Бобров.

— Борис Венедиктович, ті көні велөдчинныд? — пызан выв чышкыштигмоз юалис Шудова.

— Лесотехнической институтын, Ленинградын, — шуис Бобров.

— Вежала ме тиянлы, — ышловзбыштис Василиса. — Велөдчөмныд, майбыр! Сэтшөм жө нин окота меным велөдчыны!

— Велөдчыны некор абу сёр. Позьө и уджавны и велөдчыны. Оні унаөн сідз вөчөны. Колөкө, ме верма отсавны. Менам эм бур книгаяс, журналъяс.

— Пасибө, ме радейта лыддысьыны да, гашкө, и кута босьтлыны, позяс кө быттьө, дерт.

— Ме рад лоа! Талун кор мунаң рейсө?

— Талун шойчча, уджөй юр вывтыр. Песлыштчыны колө, сөвтчысьяс дорө ветлыны. Рытнас пионерской сбор чукөрта.

— Вожатөй?

— Да. А сөвтчысьяс дорө көсьяс ветлыны, мед отсасны кыскавны гырысь составъяс.

— Гырысь составъяс? — чуймис Бобров.

— Тайө позянатор, Борис Венедиктович! — сьөлөмсяньыс заводитис висьтавны Шудова. Бура кө сөвтны да бур туйөд, тайө йөзөн да машинаясөн позьө ёна унджык кубометр кыскыны. Кузьмич сідзи жө шуө.

— Коді сійө?

— Механик. А со тай и ачыс,— нимкодя шуис Василиса, кор комнатаас пырис дзормыштём уска, дженьыдик пася морт. Пыригмозыс сійо босьтліс шапкасö да здоровайтчис:

— Бур лун, Василиса Григорьевна! Ме пыри тöдмавны: локны абу талун пионерьяс дорö клубö?

— Быть колö локны, Кузьмич. Ме челядьлы висьталі, найö кутасны виччысьны,— шуис Шудова.— Тöдмась, Кузьмич. Тайö инженер Бобров. Борис Венедиктович, тöдмасьöй: миян механик Сергей Кузьмич,— Бобровлы нин висьталіс сійо.

— Механик? Вот и бур, ме көсья жö вöлі аддзöдлыны тiянöс!— шуис Бобров да мыччис кисö. Найö киасисны.— Меным колö видзöдлыны, кыдзи тi ремонтируйтанныд машинаяс.

— Волöй, видзöдлöй! Кор тiянöс виччысьны?

— А, гашкö, талун на и вола. Висьталöны: планьяс он тыртöй, простойяс, аварияяс. Машинаяс жугласьöны. Сідз али абу?— стрöжитан гөлөсөн нин кутіс юасьны инженер.

— Да öд уджыс миян сэтшöм, вөр кыскалам!— вочавидзис механик.— Да и запаснöй частьяс абу. Важнас рутлысям. А важыд важ и эм. Да тi волöй, видзöдлöй, кыдзи уджалам.

— Тадзи оз позь! Ме кута требуйтны: техникалы колö уджавны часі моз!— мунны лөсьöдчигас нин шуис Бобров. Сійо бергöдчис Шудовалань, тöдсалы моз нюмуніс:— Ну-с, Василиса Григорьевна! Аттьö чайнад юкталöмысь! Бура тiянлы нуöдны пионерскöй сбор!

Инженер прöшайтчис да петіс.

Механик да трактористка колльöдісны сійос да, кор Бобровлөн паськыд мышкыс бердіс öдзөс сайö, Кузьмич ышловзис:

— Кызди тэ чайтан, Василиса, мыйёнкө ме эг, бу-
ракө, угөдит выль начальниклы?

— Ме нин видзөди!— пасьтасигас шуис Василиса.—
Медводзись паныдасинныд и — пинясьны!

— Такөд, тыдалө, сьөкыд лоө уджавны. Сьөкыд
морт,— дөжныштис механик.

— А меным төрыт сьөлөм вылө воис: отсаліс авария
бырөдны Сергей Лыткинлысь, весиг ачыс тшөтш сөвт-
чыштис. Талун, со, чай юны воліс, эз ыждав,— шуис
Василиса.

— Гашкө, ме ачым лёка сёрниті сыкөд да?— шуыш-
тис Кузьмич.— Олыштам да аддзам сэн...

Найө сёрнитігмоз петісны ывлаө.

Вөрса посёлок оліс аслас быдлунъя оломөн. Туй кузя
вадорлань гажа зыкөн гызымтіс-муніс трактор. То өти-
лаын, то мөдлаын тыдалісны йөз. Отияс мунісны конто-
раланьө, мөдьяс лавкаө ньөбасьны, коймөдьяс поштала-
ньө тэрмасисны. Киняулас корөсь топөдөма, пывсянө
восьлалө Мөдей Ёгор. Сійө видзаасис Кузьмичкөд да
Шудовакөд.

Водзын, курья мөдар берегын, тыдалісны джуджыд
кер чукөрьяс. Курья пөлөнног йи кузя кыськө сыладо-
рысь мөд трактор кыскис тыртөм додьяс. Тыдалө, сөмын
на ректөмаөсь ягысь кыскөм керьяссө. Ставыс зэв төдса
да муса.

— Но, ме муна мастерскөйө,— шуис Кузьмич. Васи-
лиса өвтыштис сылы кинас да гарыштис выльысь:

— Вит часын рытнас талун, Кузьмич! Эн вунөд.
Клубын!

— Кыла! Локта, визя орда!— вочавидзис механик
да мөдөдчис аслас уджаланіө.

Василиса нимкодьясьыштис гажа ывланас, лэччыліс да
гумовтіс ведраөн ва, тэрыба бөр котөртис гортас.

Дженъыдик төвся лун өдйө кутіс рөмдыны. Енэжыс вочасөн пыр ёнджыка и ёнджыка пемдіс. Оти бөрся мөд өзьялісны кодзувьяс. Төдлытөг локтіс рыт.

Базаса механической мастерскойын жургис динамомотор, бергалісны приводной ременьяс, кыліс көртөн көртө клёнодом. Тискияс дорын, слесарной станокьяс дорын мышкырасисны уджалысьяс: кодкө рашпильон зыртіс, кодкө вундіс, кодкө камгис-кучкаліс зубилөө. Велавтөм мортлөн эськө юрыс висьмис тайө зыкысь.

Пыді вежөсысь петіс пөрысиник морт да өчкисө лэптылөмөн видзөдліс стенин өшалысь часі вылө.

— Э-э, нельөд час нин,— шуыштіс сійө аслыс. Тайө вөлі старшой механик, Иван Кузьмич. Базаын сійөс прөстө Кузьмичөн шуоны.

Кузьмич век медбөрьяөн муно мастерскойысь. Мунтөдзыс гөгөр кытшовтас, төждысян синьясөн ставсө прөверитас, вунөдомаөсь кө идравны кутшөмкө инструмент — копрөдлыштас юрнас да нуас места вылас, сэсся пасьтасяс, кусөдас бияс да вөлисти петас игнавны. Тадзи быд лун. Уджалысьяс велалөмаөсь нин татшөм пөрадокас.

Но талун Кузьмич тэрмасис водзджык мунны. Кытшовтіс, сетіс индөдьяс, сэсся чукөстіс отсасьысьсө да висьталіс:

— Меным мунны колө. Вит час кежлө. Клубө корисны. Гөгөрвоан? Колө сөйыштны да вежсьыштны на меным. А тэ, кор помасяс уджыс, видлы гөгөр да игнав. На тэд ключьяссө, да пачас бисө эн жө кольбө, мед пөжар эськө оз ло.

— Ставыс ладнө лоө, Кузьмич,— эскөдіс отсасьысьыс.

Кузьмич сетіс ключьяс да муніс пасьтасьны.

Иван Кузьмичёс базаын ставыс тōдōны; да и не сōмын базаын. Любōй морт сиктын ошкыштас тїанлы сїйōс. А пионерьяслōн, кор кыласны Кузьмич йылысь юалōм, синныс долыда ōзьяс.

— Дядя Ваняōс?— чуймыштōмōн шуасны найō.— Коді нō сїйōс оз тōд?.. Сїйōс, кōнкō, и карын тōдōны.

Томан ли, пищаль ли кодлōнкō жугалас, мōдлаō оз нин ну, а Кузьмич дорō шыасяс. Ковмас кō спойтны письтōм ведра, либō кōрт пач дзоньталыштны — бара жō Кузьмич ордō нуōны. А мукōд дырїи колхозлōн ку-тшōмкō машина торксяс да сэк быть нин сы дорō шыасьны. И быдōнлы сїйō аддзō кад, некодлы оз ōткажит. Сэтшōм нин бур сьōлōма сїйō. А торїйōн нин радейтō пионерьясōс. Прōст лунō накōд и ноксьō. Кымынкō пурт ныждылісны нин сылысь, кымынкō писькōдчан чеглісны жō нин.

— Ак, мокасьтьяс!— сәки шуыштас Кузьмич да дитōмōн копрōдлыштас юрнас.— Тадзи ōмōй ме велōдї тїанōс! Помаланнїд тї менō, эк-эк-эк... Но да ладнō, выльōс вōчам.— И лосни слесарьяс тōдōны, мый Кузьмич абу скōлмōма на вылō. Зато юалōй любōй пионер-лысь, кыдзи уджалō киноаппарат, кыдзи вōчōма динамо-мотор, юалōй электричество йылысь — ставсō висьталас тїанлы. Кузьмич локтōмсянь куим кодь гажаджык лои олōмыс челядълōн. Ас вōчōм автомобильяс, тракторьяс, самолёт модельяс, пароходьяс, быдсяма жбырганьяс — но мыйсō эз велōд вōчны Кузьмич.

Ачыс Кузьмич абу татчōс, кыськō Тула гōгōрысь. Чужис да быдмис рабочōй семьяын. Биа-гыма дас кōкъямысōд воын добровольнō муніс Краснōй Армияō, збоя, повтōг тышкасис вōрōгьяскōд, дорїис том рабоче-крестьянскōй власть, революция. Красноармейскōй отряд-

көд веськаліс войвылө да, кор помасис гражданскöй война, кольччис татчө, гөтрасис, велөдчис сёрнитны комион, вужъясис нэмыс кезлө.

— Сьөлөм вылө воис меным войвыв, тані и колляла нэм помөс!— шуывлө ачыс, кор сёрниі воас та йылысь.

Пöрысьлань нин катовтөдіс Кузьмичөс. Ветлөдлө мышкыртчыштөмөн, быттьө арлыдъясыс личкөны пельпомъясас. Сөмын синъясыс век на томось да збойось, некор наын оз тыдав мудзөм.

Вот и өні, дзорман юрас важиник шапка пуктөмөн, ыджыд воротника пальтосө пасьталөмөн, сійө тэрмасьовосьлалө столөвөйө.

«Уна-ө, бара, йөзыс сөйө? Мед эськө ог жө сөрмы!»— мөвпалө ачыс.

А тайө кадө клубө чукөртчыны нин кутисны пионеръяс. Талун налөн общөй сбор. Водз на да этшаөнөсь на. Сөмын на базаын олысь челядь кымынкө локтөмаөсь, а сиктысь некод на абу.

Клубын гажа: плакатъяс, лозунгъяс, вождьяслөн портретъяс. Унатор челядь кион гижөма да рисуйтөма. А пөтөлөк бердын, матөвөй абажуръяс сайын, өзийоны электрической лампочкаяс да небыд югөрөн югдөдөны быд пельөс.

Тані ставыс эм, мый вөчөма челядьөн Кузьмич веськөдлөм улын. Сунисъяс йылын, бордьяснысө паськөдөмөн, өшалөны поснидик самолөтъяс, быттьө збыльысь лэбзьөны Войвыв полюсө. Пельөсын, пызан вылын, сулалө ас вөчөм мотор. Сөмын включит ток, и кутас жургыны сійө... Со и танк сулалө — чурвидзө дулоыс, быттьө быд здук дась гымыштны-луйны. Мый асланыс вөчөма, ставсө вайөмаөсь челядь.

Пыр унджыкөн и унджыкөн чукөрмөны пионеръяс. Ставныс гөрд галстукаөсь, збойось, визулөсь, видзвыв

бобувъяс кодъось. Юргö челядълöн варов сёрни да серам. Найö гортинось кодъ тані.

Со и Василиса локтіс. Челядь гузь котöртисны сы дорö да салютуйтісны. Сэссия мöда-мöд вежмön кутісны юасьны, сёрнитöдны. Быдön ассъыс мыйкö тэрмасьö висьтавны.

Василиса тшöтш жö гöрд галстука, еджыд ковтаа. Неуна кö эськö вöлі ичötджык тушаыс, позис асьсö чайтны пионеркаön.

— А дядя Ваня?— артельön юасисны сылысь челядь.

— Локтас, локтас,— нюмъялöмön вочавидзис налы жожатöй.— Сійö кö кöсийысис, локтас нин. Неуна водзджык на, а ми öд шулім заводитны вит часын.

Виччысигмоз пионеръяс кутісны сьывны да ворсны. Лым-еджыд дөрöма, гöрд галстука да сэтшöм жö алöй-гöрд чужöмбаньяса детинка мастера зэв гудöкасис. Аслас муртса и тыдыштö юрыс гудок сайсьыс, а ворсö лöсьыда. Тэрыба котралöны посни чуньясыс гудок кизьяс вывті, и на улысь, мöда-мöдöс вötöдöмön, киссьöны эзысь шыяс. Аслас любöлаыс вомыс весьт оз топав.

— Дядя Ваня!.. Дядя Ваня!..— котөрön пырис да гораа юöртис веж юрсиа пионерка. Сьылöм лөнис. Челядь уськөдчисны öдзöс дорö. Эз на удит Кузьмич воськовтны порог вомön, öти босьтіс сылысь бедьсö, мöд шапкасö, куимön кымын отсалісны пöрччыны пальтосö да тövзьöдісны-нуисны кытчökö. Гөгөрбок кытшалöмön, кыкнан киас кутчысьöмön нуöдісны Кузьмичös да пуксьöдісны. Первойсö сійö дзик шöйöвошлис, эз куж кодлысь мый кывзыны. Öтиös малыштас юрöдыс, мöдös лапкөдыштас пельпомöдыс, коймöдös — медся ичötсö — пуксьöдлас пидзös вылас, да бурысь ропкөмön шуалö:

— Но, но, пельтөммөдіннүд старикөс. Энө ставнүд, энө ставнүд өттшөтш.

Кузьмичлы долыд овны челядькөд. Вермис кө эськө ставнысө пуксьөдаліс пидзөс вылас. Да өд дзонь отрядтө, буракө, он төрөд.

— Челядь, лантыштлөй!— тшөктіс вожатөй Васи́лиса Шудова.— Иван Кузьмичөс ми ставным төдам да радейтам. Сійө важья коммунист, и эм сылөн.. Төданнүд мый? Красноармейскөй звезда! Но сы йылысь ачыс тиянлы висьталас!

Пионерьяс гораа кутісны кекеначны, корны, мед Кузьмич өдйөджык висьталас, кутшөм сэтшөм звездочка эм сылөн.

Кузьмич сувтіс да, дзормыны заводитөм ус пытшкас нюмөө дзебөмөн, муніс пызан дорө.

— Нимкодь меным тиян вылө видзөдны,— заводитіс Кузьмич, кор челядь дугдісны кекеначны да лөсьөдчисны кывзыны.— Ті оланнүд бур кадө. Со, тиян клуб эм, ворсанторьяс, вожатөй. Ставнүд велөдчаннүд, шудаөсь, гажаөсь. Но эз тадзи вөв важөн, менам том дырйи.

Кузьмич видзөдыштіс челядь вылө да ышловзис, быттө мыйкө ёнгыштіс-дойдіс сьөлөмсө сылысь.

— Вожатөйнүд тані гарыштіс звездочка йылысь. Збыль эм,— водзө кутіс сёрнитны Кузьмич. Кыскис морөс зепсьыс нейджыд красноармейскөй звезда да, вылө лэптөмөн, петкөдліс пионерьяслы:— Со сійө, челядь! Дона казьятылантор!

Вит пома, чарла-мөлөта звезда кийсь киө кутіс ветлыны. Неуна вушйыштөма нин гөрд рөмыс, важмыштөма, төдчө — абу выль нин. Челядьлы быдөнлы окота видзөдлыны сы вылө, киас кутыштны.

Звездочкасө бөр сетісны Кузьмичлы. Пөрысь механик виччысьөмөн пуктіс ки пидөс вылас да шуис:

— Звездочкаыс тайö — менам ёртлөн, повтём, збой красноармеецлөн. Ме öд тшöтш жö вöли коркö красноармеецлөн, öтлаын ськöд лыжнöй отрядö гижсьылим. Тайö вöли важөн нин, 1919 воын. Ме сæки том на вöли... — Кузьмич читкыртыштис синсö да, быттö ылысь водзысь мыйкö видзöдö, кутис казътывлыны биа-гыма вояс йылысь.

— Сöветскöй власть муртса на удитис кок йылö сувтны, а буржуйяс, озыръяс, белöй генеральяс зилисны бөр пуккыльтны сийöс. Налы отсöг вылö саридз сайысь локтисны интервентьяс. Пансис гражданскöй война быдлаын, быд помын, тшöтш и тані войвылын. Помнита, сьöд төв шöрын миянлысь отряд Вяткасянь ыстисны коми партизаньяслы отсöг вылö. Тэрмасьöмөн локтим. Тыш-касим и Чукаибын и Визин мездигөн. Белöйяс бöрынтьчисны Эжва вожö, ми вöтöдiм партизаньяскöд öтвылысь.

— И ёртыд тшöтш? — юалис гоб кодь кызиник да лöсьыдик чужöма детинка.

— Тшöтш, дерт. Ми ськöд пыр öтлаынöсь вöлим, öти котёлोकысь панясьлим, öти шинель улын узьлим, — кайтыштис Кузьмич, думыштчылис здук кежлö, сæсся водзö мöдiс висьтавны: — Да, он тай төд, кытчö шогыд суас... Зырöдiм, босьтим Корткерöс, пансис Пезмөг сикт дорын ён кось. А кадыс зэв кöдзыд, енэжыс дон, чужöмтö веськыда чишкалö. Белöйяс мый вынысь кутчысьöны, налы абу окота шоныдiнысь пышйыны. И вот ми уськöдчим атакаö, и друг, видзöда да, менам ёрт сунгысис лым пышкö: пулеметысь ытшкыштисны... Да, вöлины дe-лöяс! — шуыштис Кузьмич да ланьтис.

— А сийö? Ёртыд мый? — кодкö челядь пиысь, кылö, негораа юалис.

— Менам ки вылын кулис, — сыланьö бергöдчылöмөн висьталiс Кузьмич. — Сикт босьтём бöрын ми гуалим

сійос, винтовкаясысь салют гымыштім. А тайо звездочкасо сы шапка вылысь ме босьті казътывлыны... И ті, челядь, некор энө вунөдой найос, кодъяс ловнысө эз жалитны, тышкасисны врагъяскөд, мед тиянлы өні вөлі бур!

Тайо рытө Кузьмич дыр на пукаліс пионерскөй сбор вылын, висътавліс челядьлы белөй бандаяскөд тышкасьом йылысь. Пионеръяс сюся кывзисны, ёна юасисны. А сэсся ставныс сьылісны збой буденновецъяс-кавалеристъяс йылысь, кызди найо лэчюд саблясөн керавлісны-шырисны врагъясөс, сьылісны красноармеец йылысь, коді уси кось мунігөн... Пöрысь механик пукаліс челядь кытшын да, дзорман уссө шыльөдігмоз, тшөтш жö сьыліс-мургис вомгорулас. Сылы любө вөлі видзөдны, кызди том мича гөлөса Василиса босьталө сьыланкывсө, а сы бöрся тшөтш лывкйөдлөны-сьылөны пионеръяс. И сьыланкыв юргө гораа да кыпыда, сьөлөмтө вөрзьөдө.

IV

Бобров локтөм бöрын Чөддінса тракторнөй базаын этшатор вежсис. Пыр сідз жö котөртисны лунъяс. Запаснөй частъяс эз вöвны да тракторъяс важмоз жугласисны, артмисны простойяс, план эз тыр.

Вежсьөмыс лои поводдяын: лёк төв петіс, турөб заводитчис. Лэчюд төв лун и вой звижитө, уна ног шутьлялө, нөбөдө лым, син и пель тыртө. Бур көзяин татшөм кадө понсө ывлаө оз вөтлы.

Өти татшөм рытө, сёрөнкодъ нин, сикт узис. И сөмын өти керкаын төдчыштіс би. Тані оліс Бобров.

Бобров кымынкө лун сайын вуджис вель патераө, колхозник Руч Иван ордө. Ачыс көзяиныс эз вөв гортас. Кутшөмкө могъясөн вежон саяс нин районө лэччөма. Патераө Бобровөс лэдзис сьлөн гөтырыс — майөг кодъ

кос да вѳсни нывбаба. Тайѳ патерасѳ Бобровлы корсис Сергей Лыткин. Бобровлы сьѳлѳм вылас воис, и сийѳ вуджис.

Тайѳ рытпомѳ Бобров ордын пукалис Сергей. Пызан вылын ѳзйис «молния» лампа. Кѳдзалѳм самѳвар дорын сулалис шаньга тыра блюд, восьтѳм консерв банка, черинянь, туплясисны нянь торпыригъяс, папирос помъяс.

Кѳзьяиныс и гѳсть — кыкнанныс гажаѳсь, юыштѳмаѳсь. Борис Венедиктовичлѳн вирыс кайѳма чужѳмас.

Комнатаын вѳли шоныд. Ѵшинь дорын сулалис пальма, пельѳсын — фикус. Ичѳтик пызан вылын куйлис патефон — выль патераѳ вуджѳмсянь мѳд луннас и босьтис сийѳс Бобров.

— А кутшѳма кажитчѳ патерайд? — юалис Сергей.

— Бур, — бритѳм юрнас гогнитис Бобров да кияссѳ зептѳ суйѳмѳн кутис пѳкаживайтны.

Сылы збыльысь сьѳлѳм вылас воис выль патера. Олѳны сѳмын гозъя, челядь абу. Кѳзьяйка босьтсис пуныпѳжавны, мыськыны, пелькѳдчыны. Асьныс найѳ олѳны бура. Мый сѳсся ещѳ?

— Вежайыд ѳд менам эз лѳка овлы, кѳть и колхозѳ пыртѳдзис на, — консерв банка пыдѳсѳ папирос помсѳ чуткигтыр шуис Сергей. — Ачыс сийѳ ѳни колхозной бригадир. Тѳвнас тракторной базаын жѳ уджалѳ, кер сѳвтѳ.

— Бригадир?.. Зѳв бур! — шуыштит Бобров. — Меным кажитчис выль оланіной. И кѳзьяйкаыс шань.

— Ассьым нащальствоѳс лѳкино ме ог суй! — шпыньмунис Сергей. Сылы любѳ, мый сьѳлѳм вылас воис Бобровлы выль патераыс. Мед олѳ-вылѳ, дай вежайыслы нажеткатор.

Бобров луннас ыстит Сергейлы гижѳд, корис воыны рытнас. Помкасѳ эз висътав, быттьѳ сидзи, прѳста. А пом-

каыс со кутшом вӧлі. Луннас вайисны районной газета. Сэтчӧ гижӧма тракторной база йылысь, мый пӧ вӧр кыскалан план век оз тыр, уна прогуляс, аварияс. Администрация омӧля вермасьӧ бырӧдны тырмытом-торьясӧ. Виччисисны выль инженерӧс. Сійӧ локтіс, а бурланьӧ вежсьом оз тыдав. Статьяын вайӧдалӧма примерьяс. На серти позис тӧдны, мый корреспондент бура тӧдӧ базаын олӧмсӧ, уджсӧ. Но кодӧ? Бобров думнас став йӧзсӧ ӧтикӧн-ӧтикӧн видлаліс, и чайтӧмыс водіс механик Кузьмич вылӧ. «Сійӧ»,— шуис аслыс Бобров.

— А мый тэ, Сергей, тӧдан механик йылысь? Кутшом сійӧ мортыс?— ӧти-мӧдтор йылысь сёрнитыштӧм бӧрын юаліс трактористлысь Бобров.

— Зэв ропкӧдчысь, дӧзмӧдчысь, век велӧдны суйсьӧ,— вочавидзис Сергей.

— А мыйкӧ лектор эн кывлы сы йылысь?— водзӧ юасис Бобров.

— Мый ог тӧд — ог тӧд, Борис Венедиктович,— унзильмӧм синьясӧ тилигтыр висьталіс тракторист.— Сійӧ ӧд пӧрысь нин, а меным кызь кык на сӧмын.

— Гм... Он тӧд,— Бобров кисьтіс румкаясӧ, точкисисны да юисны.— Дзик некутшом мыж сылысь он тӧд?

— Ог, нинӧм ог тӧд, Борис Венедиктович.

— Смотри, эн дзев,— пызанӧ таркӧдӧмӧн шуис Бобров. Сергейлӧн синмыс чашкаліс, унзильыс быттьӧ эз и вӧвлы.

— А мый?— повзъыштӧмӧн юаліс сійӧ.

Бобров чеччыліс, ветліс, видзӧдліс мӧд вежӧсӧ, оз-ӧ кодкӧ кывзы найӧс, да бӧр локтіс.

— Газетсӧ талун лыддьылін? Сэні и тэ йылысь гарыштӧма: прогуляс, аварияс. Кыдзи тэ ног, кодӧ гижӧма?

— Ог тӧд кодӧ,— шензъыштіс тракторист.

— А ме тōда: механикныд тiян. Сiйō суклясьō!— чорыда тшупыштiс Бобров, чеччис да бара кутiс пōкаживайтны джодж кузя.— Абу шань морт сiйō. Сыысь колō виччысьны. Мый кывлан сы йылысь, пыр жō юōрт меным.

— Дерт жō!— кōсiйысис зон.

Мый сiрнитiс Бобров, этша гōгōрвоис Лыткин. Но сiк жō аслыс шуис: талунсянь ылынджык сулавны механиксянь. Код тōдас, гашкō, збыльысь лiк морт.

Сергей тōдō, мый инженер Бобров да механик Кузьмич медводдза лунсянь оз ладмыны. Но мый лои на костын, оз тōд.

Сергей ачыс эз радейт Кузьмичōс. Сылы кажитчис — механик быттō векджык лишнōй ошкō Шудоваōс, а сiйōс, Сергейōс, мыйлакō оз радейт, ѓтдортō. Мōдарō кō босьтны, нинōм омōльтор он вермы шуны механик йылысь: оз ю, оз лытайт, код юрōн удж вылō оз воы, кыдзи мукōд дырiи ачыс Сергей вōчлывлō. А век жō бурджык виччысьны сыысь. Оз жō прōста кут шуны инженерыс.

— Смотри, кывтō кут!— посводзō колльōдiгōн тōдчōдiс Сергейлы Бобров.— Нинōмла мукōдъяслы тōдны, мый йылысь ми сiрнитiм талун.

— Гōгōрвоа, Борис Венедиктович,— вочавидзис Сергей, да кор воськовтiс порог вомōн ывлаō, сьōлōмыс быттō личалис. Бергōдчылōмōн нōшта видзōдлiс Бобров комнатаса ѓшиньяс вылō да тiрмасьбōмōн мунiс гортас.

А Бобров, керкаō пырōм бōрын, эз на пыр вод, вель дыр на пōкаживайтiс да мыйкō думайтiс.

Пач струбаын кылис кōдзыд тōвлōн омлялōм. Кадысь кадō ѓшиньō таркнитлō-кыйыштō лымын. Туй дорын ѓшинь улын сулалан столб йылын проводъясыс нораа жуныгисны.

Бобров друг сәсся воча ки швачкис, босьтис бумага, чернила да пуксис пызан сайо. Недыр мөвпалыштөм бөрын гижис:

«ВКП(б) райкомө, инженер Б. В. Бобровсянь.

Ме лыдди газетасысь... »

А мый эськө торъяяс? Этша өмөй сәтшөм статьяссө печатайтөны газетаясын? Критикуйтыштөма, тырмытөм-торъяс гарыштөма. Но и мый?

Нинөм эськө, сөмын вот эсийо Кузьмич... Механик синсө вежис Бобровлысь.

Вөлі ещө мөдтор, мый майшөдліс Бобровлысь сьөлөмсө: Руч Иван! Дыр нин сийос Бобров кыйөдіс-корсис, вөлисти татысь аддзис. Не кө тайо мортыс, Бобров тайо чөрт кулигаас нинөм ылә эськө эз лок, важөн нин эськө усыйсис татысь, но ськөд аддзысьлытөг некыз оз вермы. Быть колө аддзөдлыны, быть. Вот сы бөрын, ставыс кө лючки-бура артмас, өти лун тани оз ов, пыр и шутөвтас. И шутөвтас ылә: первой Архангельскө, а сәсянь саридз сайо, Англияө ли, Францияө, гашкө. Сәни тыдавыны ку-тас. «Со көні личыда лолышта!»— мөвпаліс ас кежас Бобров...

V

Турөб өддзис и өддзис, эз көсйы ланьтны. Ывлаын нөбөдіс лымсө, туйяс тыртө, джуджыд толаяс ләптө. Оз удитны туйяс весавны. Тракторөн кыскасны треугольник, видзөдан да — бөрсяныс бара нин тыртө.

Татшөм лөк луно Шудова дыр эз кут локны ылыс складсянь базаө. Диспетчерскөйын рытьядорыс быд час джын мысти зильгис телефон. Ур ку шапкаа, фуфайкаа

ныв, коді дежуритіс сәні, пыр ӧтитор юӧртіс телефон трубкаӧ:

— Эз... Эз на во... Да, да, воан кад!

Рытнас нин, кор прамӧя пемдіс, диспетчерскӧйӧ пырис механик. Ур ку шапкаа ныв вылӧ видзӧдлӧм мысти сійӧ гӧгӧрвоис, мый ставыс на важ, да ышловзӧмӧн пуксис. Чӧла каллянсӧ кыскалыштӧм бӧрын аслыс моз шуис:

— Но и поводдя... Кок йывсыд уськӧдӧ! Инам ог ӧшйы, сійӧ век дум вылын, визя орданым!

— Локтас, — юрсӧ докнитӧмӧн эскӧдіс диспетчер. Кузьмич бергӧдчылӧмӧн видзӧдліс сы вылӧ да юаліс:

— Лючки-бура локтас чайтан?

— Локтас! — бара эскӧдіс диспетчер. Механик тӧждысьӧмпырысь копыртліс юрсӧ:

— Шулі ӧд ме сылы асывнас — турӧбалӧ да эн босьт уна кубометр. Эз ӧд сійӧ кывзы, кӧнкӧ. А поводдяыс со кутшӧм. Вӧртіыс нинӧм на ещӧ, сәті озджык тӧлыс инмы, а вот таті, восьсаинтіыс, и ӧна нӧбалӧ лымсӧ! Кыдзи сійӧ сәтшӧм грузӧн локтас?.. Сәтчӧ жӧ ещӧ пемдіс.

— Вой-вожсӧ прӧйдитӧма нин, — веськӧдчылӧмӧн шуис диспетчер, очсыштӧмӧн нюжмовччыліс да бара мыйкӧ кутіс пасъявны бумага вылӧ.

— Вой-вожсянь вит километр на, — тӧждысьӧмпырысь сӧрнитіс механик. — А яг йывсяньыс чойгорув туйыс ләччӧдӧ. Мед эськӧ лектор эз ло. Уна-ӧ кӧть кыскӧсӧ?

— Вылыс катищесьыс босьтӧма 257 куб...

— Со ӧд, со! — дзорман ус помӧдыс асьсӧ тракнитіс механик.

— ...Да Вой-вожысь содтӧд босьтӧма мыйтакӧ, — содтіс диспетчер. Кузьмич нинӧм татчӧ эз шу. Ещӧ ӧна зумыштӧм чужӧм сертиыс позис казьявны сылысь майша-

сьомсö. Вель дыр чöв олöм бöрын сійö друг сувтис да чорыд гөлöсөн шуис:

— Паныд ветла!.. Ог вермы тадзи виччысьны. Гашкö, маслопроводыс кынмис. Гашкö, гусеницаыс жугалис. Гашкö, вөлöкын сулалö татшöм каднас, сибдис ли, жугалис ли. Быдторйыс вермад лоны.

— Кытчö нö тэнад арлыдөн мунны, Кузьмич!— öлөдны заводитлис ур ку шапкаа ныв.— Ачыл кытчöкö вошан да сэсса тэнö ковмас корсьны. Пемыд öд öни, вой нин.

— Сійö öд и эм, вой локтö!— вочавидзис Кузьмич.— Пöнар босьта да ветла! Оз позь энотны вөлöкö Василисаöс. Дай машинаыслы гаражын местаыс, а абу ывлаын.

— Да кöть виччысьышт нöшта öти здук!

— Ог, ог вермы виччысьны. Виччысьöма нин,— петигроз нин шуис механик.

Кузьмич мунöмсянь коли час саяс. Диспетчер тшöкыда видзöдывлис часи вылö да тöждысьöмпырысь копрöдлис юрсö. Тыдалö и сылөн кутис бырны надея.

А ывлавыв öтарö ёнджыка пемдис. Тöвлөн шутьялöмыс кылис весиг татчö, диспетчерскöйяс. Ломтысян кöрт пач вомысь мукöд дырйи тшыныс пуркнитлис ортсö. Но вот кылис кильчö öдзöсөн крапнитöм. Сэсса кодкö кутис пыркöдчыны. Öдзöс вылö сюся видзöдöмөн, дежуритысь ныв виччысис локтысьöс. Здук-мöд мысти воссис öдзöс да, кодзыд сынöд сорыс, лым сюръя кодь, пырис Василиса.

— Воин жö!— долыда горöдис диспетчер да пыр жö кутчысис телефон трубкаö, медым юöртны контораö.

— Алло!.. Контора?.. Диспетчер. Шудова воис!— Кинас телефонсö тупкыштöмөн сійö шыасис Василиса дорö:— Бур локтин? Машинаыл тан жö?

— Кузьмич гаражө нуөдiс,— кисө пач дорын шонтиг-тыр вочавидзис трактористка.

— Локтiс машинанас!— телефон пыр юөртiс диспетчер, сәсся бара юалiс Василисалысь:

— Кымын кубометр?

— Куимсә кызь.

— Куимсә кызь кубометр!— телефонө долыда горөдiс ур ку шапкаа ныв, пунктiс трубкасө да, киас конверт кутiг, локтiс Шудова дорө.

— Ставсө тә, нылө, шызьбөдiн талун. А Кузьмич эз вермы виччысьны да паныд мунiс... Со, тәныд письмө. Инженерсянь, буракө.

Василиса чуймыштөмөн көрыштiс лөсьыдик синкымъяссө, босьтiс конверт да шензьыштөмөн бергөдлыштiс киас, сәсся суюйыштiс зептас. Жара ломтысян пач дорө бурджыка ладмөдчигмоз гажаа кутiс висътавны Кузьмич йылыць:

— Сыкөд ми паныдасим төдан көнi? Километр кык саяс базасянь! Со өд кытчөдз локтөма! Оз тай сылөн пукавсьы! Колө жө тадзи кок песны, абу өд нин кызь арөс сылы!..— Висьталiс — быттө дивытыштiс, а збыльысьсө аслыс нимкодь вөли.

Нывлөн ва паськөмсьыс кутiс кайны ру. Чужөмбаньясыс өзйисны кумач рөмөн, а долыд синьясас солькьясис серам.— Веритан-ө, өтнас петөма. Вот старикыд!.. Но и видышти жө ме сийөс!

— Ме өд шуа вөли сылы: виччысьышт, мися, локтас. Нет, оз терпитсы сылөн!— сiдз жө сералигтыр сёрнитiс диспетчер-ныв. Кисьтiс чайникысь тшай да сетiс кыномм трактористкалы:

— Ю, мед шоналыштан тшөтш пытшкөссяньыд.

— Аттьө!— Василиса босьтiс пөсь тшай тыра круж-

ка да, посни вом тырөн чурсйӧдлӧмӧн, кутіс лыддьыны
Бобровлысь гижӧдсӧ:

«Василиса Григорьевна.

Зэв ёна кора пыравлыны контораӧ. Колӧ тӧлкуй-
тыштны сэтшӧм делӧ йылысь, коді тшӧтш тэныд инмӧ.
Виччыся аски асыв».

Лыддьӧм бӧрын Шудова недыриник чӧв пукалыштіс,
сэсся восьтіс кӧрт пачсӧ да лӧдсыштіс пес. Думнас юаліс
ассыс, мый могысь корӧ Бобровыс? Сылы дыш вӧлі
кыссыны Бобров ордӧ, сы вӧсна и кӧрлӧдліс синкымъ-
яссӧ. Но корӧ кӧ начальник, быть мун. И Василиса збоя
пыркнитіс юрсисӧ да нюмъялӧмӧн нин висьталіс дис-
петчерлы:

— Эз ӧд лэдз Кузьмичыд гаражӧ мунны. Ачым пӧ
нуӧда машинасӧ. Мун пӧ шойччы, ачым пӧ весала дай
чышкала. Но и старик! Абу морт, а зӧлӧта!

— Шань старик!— тшӧтш ошкыштіс ур ку шапкаа
ныв.

— Зэв бур сьӧлӧма, зэв!— аслыс моз шуыштіс трак-
тористка, нёровтчыштіс улӧс мыш вылӧ да, пачын билысь
ыргӧмсӧ кывзигтыр, кутіс мыйкӧ мӧвпавны.

VI

Руч Иван воис гортас, кор патерщикыс абу на вӧлі
локтӧма удж вылысь. Инженер Бобровӧс овны босьтӧм
йылысь гӧтырыслысь кывзис висьталӧмсӧ, кутчысис
кушман йыв кодъ ёсь тошкас да шога мӧвпыштіс:
«О, господи! Сійӧ! Ме ордын!»

Уси дум вылас важӧн вӧвлӧмтор.

Кадыс вöлі лёк. Тöвся рытö вайис турун, а турун улас кык мешöк нянь. Турунсö ректис сарайö, а нянь мешöкъяс пыртис керкаö. Гөбöчö лөсьöдчис дзебны.

Сöмын на удитис пöрччысьны да личöдчыны, ывлаын кылис лыйöм шы. А недыр мысти таркнитисны öшинь таскö.

— Аттö!— ыркмунис сьölöмыс.— Кодöс нö войнас кутшöм мог суис? Господьöй-енмöй, няньöй керкаын!

А ывлаын кодкö öтарö чорыдджыка таркөдчис. Сэсся вуджис кильчö вылö да öдзöсас кутис вöзйысьны.

Петавлис, пырис виччысьтöм морткөд.

— Чолөм, кöзяин! Бурджыка тупкы öшиньтö, тыда-лыштö биыс!— сибдöм гөлөсөн тшöктис сийö. Ачыс тшöкъялөмөн лолалö, котöртöма, буракö, кынмөм пель-яссö зыралö кинас.

— Аттö жö да аттö! Господин поручик, кытысь усин?— кутис юасьны сылысь.

— Уна сёрнитны некор. Кывлин лыйсьöмсö? Менö корсьöны. Дзеб менö!— шуис пышьялысь морт.

Тайö вöлі Бронников. Но колö сы йылысь кыв-мөд висьтавны. Налөн олан туйяс коркö аслысног лёка крестасьлисны. Германскöй война дырйи служитлисны öтлаын. Öтчыд немечьяс уськөдчисны атакаö, и коми зон нэм кежлö эськö коли куйлыны йöз муö, да поручик Бронников удитис лыйны немечöс, кодi дась нин вöли зургыны Иванöс паськыд штыкөн морöсас. Сы бöрын найö дыр-кодь эз янöдчывны. Поручик босьтис Иванöс ас ордас деньщикавны, а недыр мысти Бронников ачыс ранитчис, нуисны лазаретö лечитны. Сэсся грымöбтис-локтис революция. Иванöс лэдзисны гортас. Та бöрын дыр нинөм эз кывлы поручик йылысь, оліс шог ни печаль.

Но заводитчис гражданскöй война. Интервентьяс öтсöгөн Архангельсксянь Эжва вожö писькөдчис бело-

гвардейской отряд. Нырнуодисны эсер Латкин да жандармской капитан Орлов. Коми муын шорьясон кутис киссыны вир. Кутшом сикто волисны белойяс, сэтчо кольлисны туплясьысь шойяс, кылис ойзом да бордом. Тайо белой чукоркод локтис и поручик Бронников. Лёк пурсьысь пон моз сийо аслас карательной отрядкод шойтис сиктысь сикто, лыйлис да виалис. Найо бара аддзисыны. Бронников мыйко дыра олис сы ордын, сейис-юис чоскыда, английской ромон да шоколадон чосмасис. ошйысис чукортон озырлунон. Да эз дыр красуйтчы сийо. Россияысь локтом красной отрядьяс вотлисны белойясос. Латкин пышйис Архангельско, сэсянь Англияо, Орловос аддзис пуля. А Бронников кытчөко вошис, вао из моз дзурсмунис.

Иван вөли чайто — дзикөдз мынис сыысь. И вот Бронников бара сы ордын.

Руч Иван коть и полис Бронниковысь, но аслад юрыд быдонлы медся дона.

— Ме эсько колөко и лэдза керкао важ кузя, да буретш гөтыр көсийо челядьясны. Пельшөрла лосьодча ветлыны, йөзасян өд,— бокө видзөдомон кутис шуавны сылы Иван.— Сарайын эм лызь менам. Лызясь да шывкнит вөрө.

Но Бронников өвтыштит кинас, эз пет. Кытчө вөли сылы воштысьны? Сийо төдис: петас кө ывлао — кутасны. Быд здук дона, нюжмасьны некор, и сийо кутис веськыда сёрнитны.

— Ме тэ ордо вайи неыджыд ёкмыль. Посводз өдзос саяд коли. Дзеб! Мөдысь локта — босьта. Бура видз, эн вошты!

Иван эз удит весиг прамөя юавны, кутшом ёкмыль, мыйсылон сәни эм — кильчө өдзөсө гораа зымкнитисны.

— Найо! — чиром гөлөсон шуис Бронников. — Дзе-

бан менö — озырман. Выдайтан — коркө локта да виа.
Мун восьты да чөв ов, олөмыд кө дона! — тшөктіс сійө,
ачыс уськөдчис гөбөчө.

Водзө ставыс муніс биа висьөмөн висигөн моз. Пыр-
рисны ружьеа йөз. Кучик паськөма морт юалис:

— Кодлөн керкаыс?

— Менам, сө батюшкояс. Энө өна горзөй, гөтырөй
самөй челядясьө.

— Мыйла дыр эн восьты?

— Узям нин вөлі, бур мортөй. Кор на садьми да,
биаси да...

Кучик паськөма морт кытшовтіс керка пытшкөсті,
пуксис пызан дорө да тшөктіс ружьеа салдатьяслы:

— Корсьөй быдлаысь! Ставсө шобөй!

Сэсса көзяин дорө шыасис:

— Сідзкө, шуан, узянный вөлі?

— Да, узям вөлі. Сісь пельнад он и кыв ещө. Шөйч-
чө, шонтысьө. Гашкө, самөвар тіянлы пуктыны?

— Час, энлы тэрмась. Ми эгө гөститны локтөй. Бо-
көвөй некөд тані абу?

— Ен видзас! Куш асьным: ме, да гөтыр, да нывка,
со паччөрын. А гөтыр мөд вежөсас, челядясьө. Гашкө,
мыйкө корсянный да?

Кучик паськөма морт синсө лэптыліс:

— А гашкө, тэ висьталан миянлы, мый ми корсям?

— Ме нө мыйөн төда, бур мортө!

— А өшиньястө тупкөма, — приметитіс кучик пась-
көмаыс.

— Кыдзи нө... Сэтшөм кад, ми воклы шырьяс моз
лоө овны, — шуалис, а ачыс синнас индіс гөбөч өдзөслань.

— А эстөні мый тэнад? — юалис ыджыдныс да индіс,
көні сулалісны мешөкьяс.

— Нянь сәні. Ичөтика вöлыштис на да пыртi амбарысь.

Ружьеа красноармеец видлис да висьталис:

— Збыль нянь, командир ёрт!

— Ичөтика. Дзонь кык мешöк! Öнiя кад серти уна тайö. Мыйдакö кольышт аслыд, мукöдсö аски жö ну Ревкомö!— тшöктис командир.

Мöд вежöсысь петис боец да юöртис:

— Сәни öтнас нывбаба. Некод бокöвöй абу!

— Гөбöчö пыралöй!— тшöктис командир. И, недыр вермасьыштöм бöрын, ружьеа боецьяс петкöдисны сәтысь Бронниковöс. Кöрталисны мышкас киясö да кытшалöмөн нуöдисны. И бара вель дыр кезлö вошлис Бронников.

Ставыс тайö вöли уна во сайын, но сәтшöма туйччис Иванлы паметяс, кувтöдзис оз вунöд. Оз вунлыны сәтшöмторьяс. Но тайö вöли и колис. Ставыс быттьö ладнö лои. Мунöма да бөр оз во, вöли чайтö. А, со, бара на мыччысис помыс.

Иван тöндзи аддзылис нин Бобровöс. Кыдзкö друг паныдасисны туй вылын, и сәки сылысь сьöлөмсö быттьö пуртөн кырыштисны. Кыбыша юр, еджгов синьяс — со мый сийöс повзьöдис кок йывсъяс усътöдз. «Но мыйла Бобров, а абу Бронников? Гашкö, тайö мöд кодкö?— сәки нин думыштис.— Гашкö, вокыс?»

Бобров сийö паныдасьлөмын эз вöv öтнас. Гашкö, сы вöсна, а гашкö, и эз тöд Руч Иванöс, но сәки найö янсалисны тöдтöм йöз моз. Та бöрын Иван ылити кытшлалис да пышйивлис, кор казявлис инженерöс. Но вот сийö локтöма овны сы ордö.

«Мыйла буретш ме ордö? Нарошнö али тöдлытөг?»— ёсь тошкас кутчысьöмөн мөвпалис Иван.

«А, гашкö, абу на сийö да?»— пискöдчис мөвп, и окота вöли эскыны тайö мөвпыслы.

Бобров локтіс рьтъявывнас. Руч Иван буретш вöлі корöсьөн швачöдчö пывсянын. Керкаö пыригмозыс на көзяин кыйкнитліс синнас горнича öдзöсö. Чöскыд папирос тшын дук керка пытшкын кылöм бöрын пыр жö гөгөрвоис: патерщикыс гортас нин. Думнас пернапасасис, но гöтырыслы нинöмөн эз петкөдлы ассьыс полöмсö; пуксис пызан дорö, пöлыштіс яндоваö кисьтöм ырöш вылö да кутіс юны. Юис дыр, посныдик вомтыръясөн. Сы юиг коста гöтырыс удитліс петавлыны сёодны мöс дай бөр пырны. И вот, яндова пыдöссö нин куштигөн друг кутіс чувствуйтны, быттьö кодкө видзöдö сы вылö мышсяныыс. Тэрмасътөг, ньöжйөнник пуктіс пызан вылö яндовасö да бергөдчис: горнича öдзöс шöрын сулаліс бритöм юра морт.

— Чолöм да здорово, көзяин!— папироссö вомсьыс босьтлытөг шуис сійö, шытөг моз локтіс пимиа кокнас да мыччис тэльöб кодь паськыд да дженьыд ки лапасö.

— Чолöм,— муö видзöдöмөн киасис Иван.

— Пывсин?

— Пывси...

Көзяйкаыс, кор сысьясис да пыртіс гөбöчö йöv тыра кринча, Бобров шпыньмуніс да надзöник шуис:

— Но вот, аддзысим. Пыравлам менам вежöсö, сёрнитыштам, көзяин.

Бобровлөн лöсьöдöма нин вöлі вина, весиг кисьталöма кык румкаö.

«Виччысьöма менö»,— мövпыштіс көзяин.

— Колхозын уджалан?— юаліс Бобров.

— Колхозын.

— Зэв бур; да, да, зэв бур тайö,— тöдчöдіс Бобров.— Ме юасьлі тэ йылысь. Ёна ошкöны. Бур колхозник пö. Молодеч.

Руч Иван видзöдліс Бобров вылö да думнас орччöдліс

сійос мѳд морткѳд, кодѳс коркѳ дзеблѳс ас ордас. Дерт, мыйкѳ эм ѳтногаыс на костын, но эз жѳ сійѳ мѳдаръ-югыдсьыс во? Бобровыс казялѳсылысь шѳйѳвошѳмсѳ, матѳстыштѳс улѳссѳ, нюммуныштѳс да негораа шуис:

— Вот и бара аддзысим! Дыр ме тѳнѳ, другѳ, корси. Мунѳмыд, ѳновтѳмыд важ горттѳ, выльлаѳ овмѳдчѳмыд. Вай юыштам аддзысьѳм кузя!

Руч Иванлы некытчѳ воштысьны, пѳрѳдѳс вомас стопка вина, ышловзис, кутѳс рамника сѳрнитны:

— Чери корсьѳ джуджыдджыкин, а морт — бурджыкин. Танѳ тракторнѳй база, вѳр лѳдзѳны, бур нажетка крестьянинлы, вот и локтѳ татчѳ, стрѳйтчи, уджала.

— Кыдзи сѳсся олѳн тайѳ вояссѳ?

— Олѳм йѳзыс моз, Борис Венедиктович, — ѳсь тош-кас кутчысьѳмѳн заводитѳс висътавын Иван. Паймѳмыс ѳек на эз быр да кывѳыс сьѳкыда на бертласис вом пытшкас. — Йѳзыс кутѳсны колхозѳ пырны, думыштѳ дай и ме пыри. Ѳтнад он буракѳ кольччы бур йѳзлы серам туйѳ. Нѳмыд ѳд ѳтик кучикѳн он ов. Со, и тѳ тай... — Иван читкыртлѳс синсѳ да юрсѳ пѳлѳстлѳмѳн видзѳдлѳс Бобров вылѳ: — Мѳд морт кодъ, весиг овтѳ вежѳмыд. Он и тѳд тѳнѳ.

— Сѳтчѳдз тѳныд мог абу, вунѳд та йылысь, — тшѳктѳс Бобров. — А тѳныд ме ог верит, муса друг. Понлы пѳ мѳд гѳн оз пет. Гѳгѳрвоа: важ кок туйтѳ вошталан, полан? Дерт, лѳѳ повны: няньѳн-солѳн коркѳ встречайт-лѳн белѳйясѳс.

— Гашкѳ, и сѳдз, — бара ышловзис Руч Иван. — Мыйыс эз вѳвлы, да визув ва кылѳдѳс. Тѳ вот пѳслѳви-чаѳн заводитѳнныд сѳрнитны. А ме кывлѳ важ йѳзсянь: кутшѳм ваѳд пѳ кывтан, сѳтшѳмѳс и юан. Важѳнтѳ ме йѳй вѳлѳ, ѳнѳ вежѳрадзык лѳи.

— Но, друг, кыдз гажыд, талы ме ог верит. Тѳа-

меаос он веж, он кө кучикнымос гугод,— чуньяснас пызан вылын ворсигтыр сероктис Бобров.

— Ме ог тод тиянос, Борис Венедиктович, тиян йылысь ог вензыы. Гашкө и сидз. А ме мый — уджалі пырас вынон, йоз выло эг надейтчыв. Колхоз кө, мед и колхоз. Оні важсьыс лёкасө ог ов. Гөтыркөд таво миян витсө трудодень. Олам-вылам, со, выя шаньга сёям. Кытчө гозьялы таысь унджыксө? Нет, Борис Венедиктович, тайö властькөд меным зыксьыны нинөм.

Бобров дөзмөмпырысь вештыштис улөссө да чеччис.

— А вера? Тэ өд важөн зэв вөлі енлы эскысь пө?

— Важыд, Борис Венедиктович, важмөма дай баксьөма. Со тай, ошалоны,— образьяс выло индис Иван,— сёйны оз корны. Колөкө юрбит, некод оз кут. Бара жö та вöсна нинөм меным вензыыны.

Пызанö кыкнан кинас мыджсьөмөн Бобров чöла видзөдис көзяин выло.

— Но, ладнö! Эновтам тайö сёрни!— шуис сийö да кисьтис тыртөм румкаясö.

Руч Иван ёсьтысис кывзыны.

— Ловья?— веськыда юалис Бобров.

— Коді?— гөгөрвотөм улö лэччысис Иван.

— Ёкмыльыс менам?

— Кутшөм ёкмыль? Со, енмыс, со, образыс: синмөн эг аддзыв!

— Тэ меным образьяс йылысь эн доль!— морөсöдыс тшапкис да вежсьөм гөлөсөн кутис шуавны Бобров.— Кытчө лотин менсьым озырлунсө? Кытчө?

И кор Бобровлөн лёклуныс пакталыштис, Руч Иван висьталіс сылы, кызди-мый вөлі сәки:

— Тәнö нуөдөм бöрын недыр мысти краснөйяс бара локтисны, гөгөрбок шобсисны да аддзисны тәнсьыд ёкмыльтö, Борис Венедиктович. Пызан выло пунктөмөн

разисны, да ме акниті: зарни деньгаяс, часі, чунь-кытшыяс, исергаяс! Ставыс дзирдало...

— Көні? Көні сійо ставыс?— синсө ёсьтөмөн юалис сылысь Бобров.

— Нуисны сэки, нинөм эз кольны...

— Сөран!— кабырнас пызанө камөбтис Бобров.— Кодос көсьян ылөдлыны? Көні дзеблалан — өні жө меным висьтав!

— Ме висьталі: нуисны, ставсө нуисны!— кияссө паськөдліс көзяин, но Бобров и кывзыны эз көсйы, кутіс морөсөдыс сійос да пыркнитіс идзас кольтаос моз:— Ме тэнө!.. Ме тэнө!..

Бобров эз удит помавны грөзитчөмсө, көзяйка друг гурйыв восьтис горнича өдзөс да ырскөптис-пырис, лёк горшөн горзігтырйи уськөдчис дорйыны верөссө:

— Ойя да ойя, мый нө ті лоинныд? Иван! Югыд шондйө! Мыйысь тэнө тайө сідзи? Вияс өд, вияс!

Бобров лөсьөдыштис дөрөмсө, бугжыльтчывліс бөрдысь көзяйка ылө да чөвтис Иванлы пөдөм гөлөсөн.

— Ладнө, мөдысь помалам тайө сёрни. Некодлы тунни бун! Кылан?— А көзяйкаыслы шуис серамтчыштөмөн нин:— Эн пов, ми прөстө дурам. Неуна коддыштим, со. Вайө петөй ті, а ме пөрөдча вольпась ылө, узышта.— Шуис, бергөдчис да сьөкыд восьласөн муніс занавес сайө, көні сулаліс крөватыс.

Недыр мысти сэтысь сьлөн кыліс ныргорөн шкоргөм.

VII

Базаса контораын асывсянь заводитісны пырысь-петысьяс клопкины өдзөсьясөн. Контораын удж муніс аслас өдөн: өтияс гижисны, мөдьяс голькисны щөтки мольясөн, коймөдьяс сёрнитісны.

Гөрд бархат ковтаа секретарь, жонь кодь кызиник да мича жбыръяліс оти вежосө, модө, либө пукаліс аслас пызан сайын да вурліс кутшөмкө инструкцияяс, входящой да исходящойяс. Мукөд дырйи сійө кыйкнитліс-видзөдліс өшиньө, быттьө кодөскө ёна виччысис. И мыйон контора өшинь улын вуджөртис Бобровлөн гөгрөс шапкаыс, секретарь босьтис выльөн локтөм почта да лосьөд-чис пырны инженерлы кабинетас.

Бобров некод вылө видзөдлытөг прөйдитис аслас кабинетө, креслөө пуксьөм бөрын кутис видлавны выль почта.

Сійө, кызди и век овлө, талун локтис волявмөн бритөм юра, утюжитөм гимнастёркаа, съөд галифе гача да кузь чөрөса пимиа. Сы дінысь кылыштис одеколон дук. Но чужөм кучикыс вөлі висьлөс нога быгыд, синьяыс — гөрдөсь и неуна пыкөсаөсь. Тайө петкөдліс сылысь омөля узьөм вой.

Выль газетьяс видлалөмысь Бобровөс сорисны кабинет өдзөсө таркөдчөмөн.

— Да! — ныр улас нурбыльтис сійө, но юрсө эз лэп-тыв.

Пырис старшой механик Кузьмич. Найө коса ви-дзаасисны. Бобров кинас индис пызандорса улөс вылө.

— Ме кывза тиянөс, — газет лист кузя синсө новлөд-лігтыр шуис сійө.

Кузьмич пуксис, лосьөдыштис дзормыштөм уссө, пинжак морөс зептысь кыскис записной книжка, пась-көдіс да босьтис сэсь посниа гижөм бумага листок.

— Вот, Борис Венедиктович, вайи тракторьяс ре-монтируйтөм йылысь сводка. Тані ставсө гижөма, ку-тшөм машиналөн мый лоөма, кор позьө эштөдны, мый колө. Кызди аддзанныд, ремонт вылын куим машина,

да сәсся Сергей Лыткин төрыт сотома подшипникъяс.
Артмө нель нин.

Бобров босьтис механикльсь гижөдсө, котөртис синъяснас помьсь помө да кутис йөктөдны паськыд гыжа чуньяссө пызан вылын.

— А мый вөсна татшөм надзөн мунө ремонт?— муртса вомсө калькөдыштөмөн юалис механикльсь.

— Оз надзөн мун, а, колө шуны, дзик сулалө, Борис Венедиктович. А мый вөсна сулалө, администрация төдө и ті төданьыд жө: та йылысь унаысь нин сёрнитлөма, со гижлісны газетө-и...

— Тэ тайө газет йылысь сёрнитан?— юалис Бобров да кыскис пызан йөрсьыс газета, паськөдіс да чөвтис механик водзө. Кузьмич тэрмасьтөг өчкиасис да лыддис: «Тракторной база абу дась тышкасьны стахановской өдъяс вөсна».

— Да, буретш та йылысь,— көрт оправаа өчкисө бөр дзевигтыр вочавидзис Кузьмич.— Ремонт нуөдөм вылө колөны запасной частьяс. А көнөсь найө? Первой вөлі нималө, Мурашысь пө көсийоны вайны, дай быттё пө запасной частьяса машинаыс петөма нин сәсь. Но виччысим, виччысим, важөн нин туй сүвтис, а век нинөм. Бөрья каднас и тайө сёрни ланьтис. Газет дзик веськыда гижө, Борис Венедиктович.

— Веськыда да абу дзик веськыда,— орөдіс Бобров.— Да, запасной частьяс вөлі локтөны, но кутшөмкө ногөн найө веськалісны мөдлаө. Артмөма өшыбка. Но өд администрация таысь абу мыжа! Газетад гижтөдз колө первой думыштны, кыдзи-мый, а не тьяп-ляп вөчны да кляузаяс паськөдны.— Бобров лэччысис улөс мыш вылө, син бөжнас кутис кыйөдны механик бөрся. Сылы колө вөлі стөч төдны — тайө мортыс али абу

статьялөн авторыс? Кузьмичлөн ус увсыс петкөдчышты-
ліс нюмтор, но бөр вошис.

— Кляуза али абу, сійөс пөзяс төдмавны көн көлө.
А вот запасной частьюс йывсыд оз мешайт и прокурор-
көд сёрнитышты.

— О, кутшөм гора кывъяс! — кыз октаваөн серөктис
Бобров.— Сөмын ті весь мудзтанныд кывныдтө. Ме
прөвериті нин: складса уджалысыс сорласьөмны на-
кладнойсөн и лоөма өшыбка. Запасной частьюс воас-
ны,— кыптан лөгсө кутөмөн шуис Бобров.

— Кор? — паныдаліс механик.

— Кор? Кор? — вирыс чепөсйис Бобровлы чужө-
мас.— Регыд воасны. А өні уджалөй сійө материалнас,
мый эм. Тіян сюрасны важ частьюс. Колө пытшкөсса
ресурсыс корсьны, инициатива колө петкөдлыны, а не
вөм паськөдөмөн пукавны да виччысьны. Тадзи уджа-
лөмөн ті кутінныд ордны миянлысь став планъяс.

Бобровлөн пыр өнджыка и өнджыка кыпөдчис лөгыс
тайө асныра мортыс вылө.

— Чөвлы, чөвлы,— ёсьмөдчис Кузьмич.— Тадзи оз
ворслыны миян. Висян юр вылысь да здоров вылө
көсьянынды вештыны, Борис Венедиктович? Оз арты
сідзи. Важ шогмытөм частьюсөн пыр на вөчим ремонт.
Первойя рейсас жө машина бөр жугалө, тайөс ті, меха-
низированной кыскасьөм кузя службаса начальник, зэв
бура гөгөрвоанныд. Оз важ йылысь ков сёрнитны, а
выль частьюс регыдджыка судзөдөм йылысь, и не өні
эськө та йылысь сёрнитнысө, а ёна водзджык.

— А тіянлы колө төждысьыштыны, мед трактористъ-
яс бурджыка вөдитчөны машинаяснас,— дөзмөмөн шуис
Бобров.

— Кутшөм өд тракторист. Шуам, Сергей Лыткин-

лөн сэтшөм нин сям, висьтав көть эн сылы. Колө аслы-
ныд сёрнитыштны ськөд.

Бобров думыштсьыліс, сэсся босьтіс пызан вылысь
звонок да тіньөбтіс. Пыр жө явөстсис гөрд ковтаа сек-
ретарь, быттё өдзөс сайын и виччысьөма чукөстөмсө.

— Корөй гаражысь Лыткин Сергейөс,— видзөдтөг
чөвтіс Бобров.

— Борис Венедиктович, сөвтчысьяс вөзйысьөны ті
дорө,— юөртіс секретарь.

— Мый нин налы?— дзирнөвтчыліс креслёын Боб-
ров.

— Сьөм сетавтөмысь увгөны.

Бобров көрыштіс синкымъяссө, видзөдліс механик
вылө да шуис секретарлы: — Ме ог эшты. Висьталөй
сэн — сьөм регыд сеталам. Талун контораса аппаратлы,
а сэсся и налы. Та йылысь верманныд и не висьтавны.

Механик чеччө нин вөлі мунны, но Бобровлөн бөрья
кывъясыс сувтөдісны сійөс. Чуймыштөм синъяссө сы
вылө чөвтігмоз юаліс:

— Кыдзи шуинныд, Борис Венедиктович? Бөрья
каднас менам пельясөй мыйкө слабмыны кутісны. Эг-ө
ылав өні?

Бобров петкөдліс кинас секретарлы, мед петас, сэсся
бергөдіс чужөмсө механиклань да ироническөя нюмму-
ніс.

— Газеткаө? Чирк-чирк? — кинас петкөдліс гижөм.
Сэсся друг зумышмис да висьталіс:— Талун сьөмыс
этша, оз тырмы ставыслы. Лунөн водзджык, лунөн сёр-
джык — өткодь нин сійө. Но менам ті дорө эм мөд
сёрни,— мөдарө бергөдіс сёрнисө Бобров.

Кузьмич перйис каллянсө, тыртіс махоркаөн, өзтіс
да лөсьөдчис кывзыны.

— Норасьөны тэ вылө, Кузьмич,— быттё жали-

төмпырысь ышловзис Бобров.— Прогульяс, расхлябанность мастерскöяд, дурклун. Да, да. Сэссия уджаланыд, кыдзи важ спец, том уджалысьясöс топöданныд, туй налы потшанныд. Ме думысь, вот мый вöсна лёка уджалам, запасной частьяс йылысь сёрниид — куш больгöм.

— Вот мый! — кыкнан кинас пызанö кутчысьöмөн сьöкыда чеччис Кузьмич. Чужöмыс первой кельдöдлис, сэссия друг вирсялис, быдөн посни войтьясөн чепöсийс бан дзибьяс вылö пöсьыс.

— Ме кöсья комиссия ыстывлыны,— бритём щöка увсö кимöдзнас ниртигтыр сёрнитис Бобров.— Колö прöверитны да выводьяс вöчны, мый мешайтö мянлы планьяс тыртны. Да, делöыс абу шутка, кыдзи аддзанныд.

— Комиссия?! — Кузьмичлөн уддорса парйыс кутис сырмыштны кынтигөн моз.

— Велькыда кö шуны, меным жаль тиянöс, Кузьмич,— гөлөссö небзьöдис Бобров.— Тi абу нин томöсь. Тия арлыдö сьöкыд нин уджавны, и ме кöсья тиянлы сетны совет...

— Кутшöмöс? — сибдём гөлөсөн юалис механик.

— Гижöй шыödчём, мый висяныд, мый колö лечитчыны. Ме кута зильны, мед сетасны сьöм, путёвка... Ветлы лунвылö, Крымö! Регыд сэнi лöö тулыс, садьяс кутасны цветитны... А море, а мореыс! Тi коркö волінныд море дорö? Тi аддзылінныд сылысь шондi водзын вералём? Дак вот, ветлöй, шойччыштöй тöлысь-мöд. А сэн сэссия тыдавын кутас. А медясö, оз ковмы комиссиясөн ноксьыны. Но, кыдзи тэ та йылысь мөвпалан?

Бобров босьтис папироска, биалис да писти сера банбокьяссö нековтлёмөн чöскыда кыскыштитс тшынсö. От-

тшөтш сійө кыйөдіс, кызди вежласьө механиклөн чужомыс.

Кузьмич дыр нинөм эз шу. Сэссия чужөм кузяыс котөртис мыйкө нюм кодь.

— Ме абу детинка, Борис Венедиктович, и аддза: тиянлы окота мынтөдчыны меысь. Но ме некытчө ог мун! — чорзьөдіс гөлөссө сійө. — Менам эм на вынъяс и ог көсий дугдыны уджавны. Шойччыны эшта на жө. А комиссияысь ме ог пов. Правдаысь ме ог пов! Ме ачым кута корны комиссия, но шыөдча ог тэ дорө, а парткомө. Сэн регыдджык аддзасны, колө али оз меным шойччыны, — бөрья кывсө төдчөдөмөн шуис Кузьмич да лөсьөдчис петны, но өдзөс дорө воигөн бара на бергөдчылис. — А газетад збыль ме гижы, ог соссьы. Да өд он сыысь ме вылө лөкалөй? Ме төда — он сыысь.

— А мыйысь ещө? — синсө сувтөдөмөн юалис Бобров.

— А вот сы йылысь колө на ещө думыштыны, инженер Бобров! — төдчөдөмөн шуис Кузьмич, бергөдчис да петис.

Бобров недыр пукалыштис на өтнас, сэссия кусөдіс папироскасө да чеччис. Чужөмыс сылөн пөртмасис.

— Выживман идиот! — өдзөс вылө синсө чөвтлөмөн нурбыльтис ныр улас да водзө-бөрө кутис шуркыйыны кабинет кузя. — Мый йылысь сійө гарыштис? Мыйкө төдө, гашкө?

Бөлі матө лун шөр нин. Мисьтөм поводдя вөсна кабинетын рөмыдкодь. Ывла вылын төлыс өдөбөн лэбзьөдіс улич кузя дзонь лым кымөрьяс. Кык судта выль пу керка сайысь тыдовтчис полушубока морт, сійө неуна водзланьө тушасө копыртөмөн локтис турөб пөвсөд. Полушубок серти Бобров пыр жө төдіс Сергейөс, бөр пуксис пызан сайө да кутис виччысьны сійөс.

Недыр мысти кыліс ӧдзӧсӧ таркнитӧм.

— Да, пырӧй!

Лыткин пырис пӧрччысьтӧг. Пеля шапка вылас да пась воротник вылас бисерӧн эзыясисны лым чирьяс.

— Пуксы матӧджык,— кыкнан кисӧ пызан вылӧ пуктӧмӧн лӧсьӧдчис сӧрнитны Бобров.— Ну-с, кутшӧма уджалан, мый вӧчлан, Сергей?

— Лун да вой, век водзӧ, Борис Венедиктович,— шапкасыс сылан лымсӧ джоджӧ пыркнитыштӧмӧн вочавидзис Сергей. Сійӧ эз на тӧд, мый могысь корис сійӧс Бобров, но польштіс. Корис кӧ аслас кабинетас, эз нин прӧста больгыны. «Мыйкӧ, тыдалӧ, механик удтӧма»,— мӧвпыштіс тракторист да кутіс виччысьны, мый водзӧ лӧӧ.

— Кутшӧм складысь ӧні кыскалан?— юалис Бобров. Меліпырысь сӧрнитӧмыс такӧдыштіс Сергейлысь сьӧлӧмсӧ. Сійӧ збоймыштіс да лӧптіс синсӧ.

— Вылыс складысь, кысь и Шудова. Ылын зэв, локтан да локтан, помыс абу, Борис Венедиктович.

— Водзӧ сӧсся Войвожысь кутан кыскыны. Ме звӧнитла диспетчерскӧйӧ, мед тэнсьыд машинатӧ сӧтчӧ сувтӧдасны.

— Сӧсь тай нӧ мӧдысьджык вӧлі кӧсйӧны кыскавны, кор вылыс складсыс пӧ лӧччас вӧрыс?— юалис Сергей.

— Мукӧд машинаяс сӧсь, а тӧ тась,— Бобров судзӧдчылӧмӧн тапкӧдыштіс Сергейӧс пельпомас.— Тӧд бурджык: туйыс тайӧ участкас бур, луннас позьӧ кык, а то и куйм рейс вӧчны. Сӧсся и чойгорув абу тани. Дерт, ковмас зӧлӧдчывны тӧд, а то тешкодья артмӧ: ӧтатшӧм зоньясӧс нывьяс пановтӧны. Шудова ылӧ коліс! Кытчӧ тайӧ шогмӧ? Ай-ай-ай!— кутіс юрсӧ лайкйӧдлыны.

Сергейлөн чужо́мыс о́зйис. Русыд юрсисо́ кинас малалігтыр сійо́ сомын нускис. Мый-мый сійо́ эз чайт татчо́ пыригөн, а толькo не татшoм сёрни. Онi дась вoлi му пырыс мунны, сомын мед саявны начальник сии водзысь.

— Кыдзи нo сідз артмo,— водзo сёрнитіс Бобров,— oткодь машинаясoн уджаланныд, oтилаысь кысканныд, а сылoн унджык локтo? Ковмас зeлoдчывлыны, да! Онi ми тeнo бурджык мeстao индам. Месянь тeд задание: тaйo тoлысь джыннас лoны медводзын. Но, гашкo, oнoдз тeнo кодъяскo топoдлісны, а талунсянь мe ачым кута тeд отсавны.

— Зeлoдчылам, Борис Венедиктович,— шапкасo кинас нямралігтыр кoсйысис Сергей да жугыля видзoдліс oдзoс вылo. Сійo рад вoлi, кодкo кo эськo oнi пырис да торкис налысь тaйo сёрни.

— Мe кута надейтчыны,— нюмъeвтiс Бобров, сeсся содтiс:— Да, вот мый eщo: магазинo вooмны бур шерстянoй костюмъяс. Талун кoсйoны бурджыка уджалысьяслы вузавны заводитны. Мe видзoда да тeнад важыник нин паськoмыд. А стахановецлы колo лoны не сомын удж вылын водзын, но и быдлаын. Колo овны культаурнoя, чистoя.

— Мe oд абу стахановец на, Борис Венедиктович,— правдайтчыштoм мoгысь шуис Сергей. Бобров зарни пиньсo тыдoдлoмoн серoктыштiс:

— Абу на, но лoан. Ми жo oнi на сёрнитім та йылысь. А кoсьян кo лoны, сійo пoшти нин эм кодь. Сeсся, Сергей, выль костюмнад и нывъясыд мoд ногoн видзoдлaсны. Выль во важ костюмoн коллявны некытчo нин оз лoсяв. Вот сомын верман-o бoсьтнысo? Ена-o озыр тe?

Сергейлөн синъясыс жугыльмисны. Сьoм сылoн не-

кор эз ошйивлы. То юыштас, то войпукö мунігөн бось-
тас нывъяслы сеталём вылө кöлач-кампет. Получка
бöрын лышкыдасьö, а недыр мысти заводитö уджды-
сявны. Бобров тайöс тöдіс зэв бура.

— Син сертиыд аддза — голь,— дивитыштигмоз коп-
рöдлыштіс юрнас сійö. Сергей чöла видзöдіс муö.
— Гиж шыöдчöм дирекция ним вылө, со тэд бума-
га,— висьталіс Бобров.— Гиж: сідз и сідз, колö ньöб-
ны паськөм, а сьöм абу. Кор аванс.

— Сетасны, Борис Венедиктович?— Сергей нимко-
дя босьтіс бумага да кутіс гижны. Кадысь кадö сійö
чöвталіс синьяссö Бобров вылө, бытьö поліс, мед эсь-
кö сійö друг эз веж думсö.

— Уна-ö эськö сетасны, Борис Венедиктович?—
юаліс сибдыштöм гөлөсөн.

— А костюмъяс, висьталöны вöлі, бурось. Гиж,
мед тырмас костюм ньöбны.

Сергей гижис. Сійö поліс, мый Бобров серöктас, ко-
сялас шыöдчöмсö да вöтлас кабинетсьыс. Но инженер-
лөн чужöмыс вöлі зэв збыль, некутшöм шутитöм эз
тöдчы. Лыддис, мыйкö пасйыштіс да шуис:

— Ветлы бухгалтерияö.

— Благодарствуйта, Борис Венедиктович!— долыда
вочавидзис Сергей да сувтіс.

— Нинöмысь,— вöлисти нюмъөвтіс Бобров.— Ме
сета сы вылө надеяөн, мый регыд бөр квитайтан аслад
зильлуннад. Ме аддза — тэ верман уджавны, но тэд оз
отсавны, оз лэдзны кыптыны. Онісянь ме ачым кута
тэныд отсавны, да, да.

Сергей эз тöд мый шуны, думнас зілис öдйöджык
петны вöля вылө. Кор Бобров помаліс асьыс сёрнисö,
сійö куштöма копыртчыштіс, тэрыба шапкаасис да лö-
сьöдчис петны.

— Ещö отчид благодарствуйта, Борис Венедиктович.

— Шань, шань,— нюмъялыштöмөн шуис Бобров, но кор Сергей кутчысис нин öдзöс вугйö, друг сувтöдис:

— Да, кык кыв, муртса эг вунöд! Волы жö матöджык.

Сергей дзугыльмыштöмөн бөр локтис пызан дорö.

— Механик йылысь кöсья юавны,— гөгөрвоöдис Бобров.

— Ме сийöс талун эг на аддзыв,— ас ногыс гөгөрвоис пансян сёрнисö Сергей.

— Ме со мый йылысь,— торкис Бобров.— Сийö волис талун татчö, норасис тэ вылö.

— Да сийö, Борис Венедиктович, прöстö!..— заводитлис правдайтчыны Сергей.— Подшипникъяс сотчыны сы вöсна, мый...

— Верита, верита,— бара торкис сийöс Бобров.— Ме ог на йылысь.

— А мый ещö?.. Гашкö рейсö петны тöндзи сёрмышти да сийöс нин удитис висьтавны, но ме, Борис Венедиктович, сийö луннас..

— И тайöс верита,— öвтыштитис кинас Бобров.

— Мый нö ещö?— нинöм гөгөрвотөг юалис Сергей да тшöккөб ланьтис. Думнас туясис, мый йылысь ещö вермис удтыны сы вылö.

— Ме кывли, механик пö бокö вузавлö казенной инструментъяс. Эн казьявлы тайöс?— паськыд пельпомьяса тушанас водзлань сетчыштöмөн юалис Бобров. Виччысьтöмтор юалöмысь Сергей падмыштлис.

— Мый ог тöд, ог тöд, Борис Венедиктович,— вочавидзис сийö.— Гашкö и вöли сэтшöмторйыс, но ог тöд.

Коркө ме волі сы ордө, инструментыс наперво уна эм.

— Аддзылін?— ручка помён пызанө стукнитөмөн юалис Бобров.

— Аддзылі, но ог төд, аслас али абу.

— Та йылысь ми төдмалам,— бара ручканас стукнитіс Бобров.— Ме важөн нин приметитала татчөсса пöрадокъяс,— өшиньялань синъяссө веськөдөмөн водзө сёрнитіс сійө.— Ме ногөн, абу чист сөвестя сійө, дай уджалөсө кивейёсөн. Меным колө төдны, Сергей, мый вöсна лёка уджалө тэнад машинаыд? То öтитор, то мөдтор лоöма. Эз-ө лёка ремонтируйтөмөн тэд сетны сійөс?

— Дерт жö, Борис Венедиктович,— ас вывсьыс мыж йөткыны көсйөмөн рада сөгласитчис Сергей.

— Ме сідз жö чайтлі,— юрнас гогнитліс Бобров.— А мый ещö төдан механик йылысь? Гашкө, юлывлө, код юрөн волө удж вылө?..

— Эг казьявлы,— ышловзис Сергей, мөвпыштис да содтис:— Пионерьяскөд ёна ноксьö, танкъяс, самолётъяс вöчалöны.

— Кутшөм материалысь?

— Быдсяма торпыригсьыс. Гашкө и бурөсь да, мыйөн сылысь төдан.

Сергей омöля гөгөрвоис, кытчö синöны сійөс. Сылы вöлі гөгөрвоана сөмын öтитор: кымын ёна лоас суклялөма механик йылысь, сымын бур. Паськыдджыка мөвпавны сійө эз радейтлы. А Кузьмичкөд найö некор эз ладмывлыны, кыз шуласны, вирныс эз лөсяв. Механик тшөкыда ропкөдчыліс машина лёка старайтөмысь, кивейёса уджысь. Сергейлы эз вöv жаль аслас ропкөмөн дөзмөдчысь механик.

— Мый тан висьталін, мун да гиж ставсö. Кута виччысьны,— тшөктис Бобров.— Верман мунны сэсся,

Эн вунод тайо сёрни йылысь; гашкө, ковмас свидетель пидди тэнö индыны, тадз жö сэки сёрнит.

— Век рад лоа!— эскөдiс Сергей да чеччис. Сийö тэрмасьомөн прöщайтчис да кутiс петны, но буретш паныдасис парторг Воробьёвкөд. Сергей вешйыштöмөн сетiс сылы туй, нöшта видзөдлiс пызанлань и петiс.

— А, Воробьёв ёрт!— Пöжалуйста, пöжалуйста,— паныд сувтöмөн мелiа шыасис парторглы Бобров.— Мый нин выльыс, кутшöм могъясөн ме ордö?

Воробьёв — латшкөсiник тушаа еджгов морт — пуксис делöяс тыра папкасö пидзöс вылас пуктöмөн, перйис гимнастёрка зепсыс сынан да кык-ö-куимысь нуöдiс юрси кузяыс.

— Ме кык могөн. Öти-кö, кывсьö, сьöм лоöма дирекциялөн,— сынан вывсьыс öшйöм юрси пöльыштöмөн висьталiс сийö.

— Да, но абу зэв уна,— первойя могсö пыр жö гөгөрвоис Бобров.

— И тайö кывсьылис,— юрнас лайкнитiс парторг, сэсся стрөг синмөн видзөдлiс Бобров вылö.— Но сьöмсö ас кадö судзөдтöмысь да сетавтöмысь ньöти абу мыжаöсь рабочöйяс, тадз ме мөвпала. Сы вöсна веськыдджык лоö первой налы сетавны, а сэсся и аппаратлы.

— Ах, тi со мый йылысь,— пельсö гыжйыштiс Бобров.— Но сьöмыс этша, оз тырмы ставыслы, и ме пола — лыбас шум: öтилы сюрас, мөдлы оз... Кутасны норасьны и сiдз водзö. Но тi кö лыддянныд коланаөн...

— Да, ме лыддя коланаөн,— тшöктöмөн шуис Воробьёв.

— Пöжалуйста, позьö и сiдз!— Бобров босьтлiс телефон трубка да висьталiс бухгалтерлы, мед заводитасны рабочöйяслы сетавны сьöм. Сэсся нюмьөвтöмөн шыасис Воробьёвлы:

— Сöмын сідзи: кутасны кö норасьны, ме ыстыся тiян вылö.

Воробьёв лэптыштліс пельпомъяссö:

— Миян вылö ыстысьны дзик нинöмла. Мöд-кö, водзö колö уджавны сідз, мед удждон сеталöм эз нюжав ни öти лун, а торйöн нин рабочöйяслы.

— Сійö сэтшöма жö миян сайын, кутшöма и тiян сайын,— кинас небыдика пызанö тапнитöмөн паныдаліс Бобров. Парторг босьтіс папироска да öзтіс:

— Гашкö, гөгөрвоанаджык висьталанныд?— юаліс сійö.

— Ме кöсии шуны: планъяс тыртöм сайын. А та боксянь миянлы ошйысьны оз на позь,— нюмъёвтіс Бобров.

— Да,— юрнас лайкнитіс Воробьёв.— Планъяс вöсна лёка ми вермасям. Тадзи водзö кыссьыны оз вермы. Тöрыт вöлі та йылысь сёрни. Ми шуим тайö лунъясас бöчлыны партийнöй собрание, корны сэтчö стахановецьясöс, производстоён веськöдлысьясöс и гөгөрбок бура видавны. Кöсийсны волыны и райкомысь.

— Ачыс Попов, али кутшöмкö уполномоченнöй?

— Эз. Сэні выль секретарь öні.

— Вот кызд!— нюжöдіс Бобров, думыштчис да кутіс ниртны балябöжсö.— Выль роскыд пö бурджыка чышкö.

— Сійö и бур,— стрөг синъяссö Бобров вылö чöвтлöмөн вочавидзис парторг.— Выль морт выль синъясөн видзöдлас, унджык аддзас.

— Зэв бур, дерт. Волас, отсалас миянлы. Ковмас паськöдны ёсь критика, а то миян öткымын ёртъяс, весиг коммунистьяс, личöдчöмаöсь.

— Например?

— Например, сійö жö механик.

— Ме сы кузя и локті сёрнитыштны,— тӧдчӧдіс парторг.— Шудова воліс, висьталіс, механик йылысь лёк сёрнияс паськӧданныд. Меным колӧ тӧдны, кутшӧм сьӧд кань котӧртіс тіян костті?

— Сьӧд кань?— шензьӧм петкӧдлӧмӧн вочавидзис Бобров.— Ме нинӧм ог тӧд. Да, удж кузя ме быдӧн діно требовательнӧй, кӧть механик, кӧть тракторист — меным ставыс ӧткодь, мед сӧмын бура уджалісны.

Воробьёв быттӧ эз кывлы, водзӧ нуӧдіс ассьыс мӧвпсӧ.

— Сэсся локтіс ачыс Кузьмич, кутшӧмкӧ комиссия кутіс корны, тіян вылӧ элясис — удж вылысь пӧ ыстанныд. Зэв ёна ӧбидитчӧма мортыд. Висьталӧй веськыда, мый тіян?..

Бобров ышловзис.

— Колӧ шуны, висян морт сійӧ, а ме эг тӧд. Гашкӧ, и эз ков эськӧ сідзи сёрнитны. Ми тӧлкуйтім бурыйсь, лишнӧй сылы ме нинӧм эг шу. Но кызди производстоӧн веськӧдлысь, ме эг вермы чӧв овны,— кыкнан кисӧ морӧс вылас пуктӧмӧн висьталіс сійӧ.— Коммунист кӧть абу коммунист, менам мог требуйтны, вермасьны кивевйӧсӧн уджалӧмкӧд, став тырмытӧмторкӧд. А сигналъяс эмӧсь, мый механической мастерскойын ладтӧг уджалӧны, ремонт вӧчӧны лёка, сы вӧсна регыд жугласьӧны машинаяс. Со, ӧні на воліс ме ордӧ тракторист, норасис.

— Коді тай паныдасис меным?— тӧкӧтьӧ нюммуныштӧмӧн юаліс Воробьёв.

— И тайӧ, и мукӧд висьталӧны. Сэсся кызди ті видзӧданныд сэтшӧмтор вылӧ: тайӧ механикыс вӧлӧм новлӧ мастерскойысь казеннӧй инструментъяс.

— Верманныд докажитны?— гӧлӧссӧ вежтӧг юаліс Воробьёв.

— Да, менам эмӧсь свидетельяс.

— Кодьяс?

— Но, коть ёнтая жё трактористыс,— неуна падмыштёмён вочавидзис Бобров.

— Абу зэв ошйысяна свидетель,— копрёдлыштис юрсё Воробьёв.— Ме тёдышта сійёс: комсомолысь вётлылісны.

— Збыль?— быттё первойсыс кыліг, юаліс Бобров, сэссия вочакыв виччысьтёг ачыс кутіс висьтавны:— Мед коть и сідз, сійё том морт на, отсыштан кё, бёр веськалас. Но механик йылысь... Ті бура тёданныд сылысь биография?

— Партийнөй документьяс сёлён лючки-бурёсь,— юрнас лайкнитис Воробьёв.

— Документыд сійё абу на ставыс. Унаысь миян оз тырмы сюсьлун. Шуам, верма ме кутшёмкё ногён босьтны дзик мёд мортлысь документьяс и...

— Вермас лоны и сідзи,— сёгласитчис Воробьёв.— Но Иван Кузьмич...

— Коть и Иван Кузьмич, а колё бурджыка тёмавны,— торкис Бобров.— Мый миянлы мешайтё план тыртны? Тшөкыда жугласьёны машинаяс. Мыйла? Лёк ремонт. А ремонтён веськөдлө Иван Кузьмич. Со өд кытчө вайөдө, ме думысь.

Воробьёв кутіс пыркөдны юрнас:

— Кузьмич абу мыжа. Но та йылысь мөдысьджык... Гижөй парткомө асьыныд став мөвптө. Кузьмичёс энө нервируйтөй, мед уджалө спокойнөя.

— Ладнө,— пельпомьяссө вөрзьөдліс Бобров,— менам висьталөма тиянлы, сэссия асьныд тёданныд. А парткомө ме гижа. Ставыс?

— Абу на,— папкасө кутіс разны Воробьёв,— нөшта өти мог. Ме ветлі райкомө прөверитны асланым ком-

мунистьяслысь партийной документъяс, и казялі тїян лысь со мый...

— Да?— ёсьтысис кывзыны Бобров. Воробьёв, то бумага лист вылө, то сы вылө синсө чөвтліг, кутіс висьтавны:

— Личной делөын тїян гижөма: 1919 восянь коммунист, партияө пыралөмныд западной фронт вылын вөлігөн.

— Правильно,— креслөас дзирнөвтчыліс Бобров.

— А вот тані эм бумага, кытчө гижөма: 1919-өд воын ті вөлөмныд тані комиын.

Бобров здук кежлө думыштчыліс, сәсся серөктөмөн юалис:

— Сійө вонас уналаө волі ме. Кадыс сәтшөм вөлі: гражданской войналөн гыс новлөдліс помысь помө, талуи тан, а аски мөдлаын нин. Боевой лунъяс, эх!..

Воробьёв сюся видзөдыштіс сы вылө, сәсся шуис:

— Гижыштөй парткомө, мыйла тадзи артмөма. Стөчджыка индөй кад, места, көні мый вөчлінныд, көнъясын вөлінныд сәки. Биографияныд тайө кад йывсыс зэв дженьыдик тїян, этша гижөмныд, колө паськыдджыка.

— Пөжалуйста, көть аски жө!— эскөдіс Бобров.

— Бур лоө, аски кө ваянныд парткомө,— шуис Воробьёв, чеччис, прөщайтчис да петіс.

Бобров бура дыр пукаліс креслөын, куритчис да мөвпаліс синкымъяссө көрыштөмөн, весиг эз кывлы, кыдзи кодкө полігтырйи таркөдчыштіс өдзөсө. Мөдысь гораджыка нин таркөдчөмысь черөбтыштіс да өдзөслань бергөдчылөмөн горөдіс:

— Да, да, пырөй!

Порог дорын сулаліс Василіса Шудова, тыдалө, веськыда удж вывсянь локтөма, абу вежсьөма ни нинөм.

— А-а, тэ тайө!— шуыштіс Бобров да нюммуныштіс

важ тѳдсалы моз.— Пѳрччысь, Василиса Григорьевна, пуксы да шойчы.

— Ме ѳд бѳраводз, тѳян гижѳдныд серти,— висьталіс Шудова.— Мыйкѳ мог суис ме дорѳ?

— Да, да! Эм могтор, эм. Но да ѳд оз жѳ позь сідзи, пѳрччысьтѳг. Ог кѳсйы дивитны, но абу культурнѳ. Тані абу гараж, Василиса Григорьевна.

— Прѳститѳй!— гѳрдѳдѳмсѳ не петкѳдлѳм могуьс Василиса бергѳдчис да пѳрччис ватнѳй фуфайкасѳ.

— Нинѳм, нинѳм,— такѳдіс Бобров да, Василиса кор пуксис улѳс вылѳ, юалис сылысь шутитан гѳлѳсѳн нин:— Ну-с, Василиса Прекрасная, кыззи тѳрыт рейсыд удайтчис?

— Куимсѳ кызь куб вайи,— шуыштіс Шудова.

— О-о! Тѳ — герой, да, да — герой!

— Шуинныд жѳ,— вочавидзис Василиса.— Ме Войвыв полюсѳ эг лѳбзывлы, ни сизим километр вылнасянь эг чеччышт парашютѳн. Менѳ сувтѳдісны трактор дорѳ, мый эм сямѳй, ме вѳча, со и ставыс. А геройясыд абу ме кодьѳсь; найѳ, дерт жѳ, кутшѳмкѳ мѳд сикас йѳз.

— Коді мыйкѳ ыджыдтор вѳчѳ, сійѳ и герой. А ташѳм поводдяѳ кыскыны сы ыжда состав оз быдѳн босьтчы; да, да! Сы вѳсна и шуа ме тѳнѳ геройѳн. Тѳд сѳмын ѳтитор оз тырмы. Колѳ велѳдчыны тѳныд — культура оз тырмы...

Василиса дѳзмѳмѳн лѳптыштіліс вѳсньыдик синкымъяссѳ, сувтіс да лѳсьѳдчис мунны:

— Та вѳсна и коринныд менѳ?— юалис Бобровлысь.

— Кытчѳ? Пукав и кывзы!— мѳд гѳлѳсѳн нин, стрѳга шуис Бобров. Ветліс, топыдджыка пѳдлаліс ѳдзѳс, бѳр локтіс да пуксис аслас местаѳ, чѳв кутіс видзѳдны трактористка вылѳ.

— Мый сідз видзоданныд?— чуймөмөн юалис Шудова.— Висьталөй, кутшөм мог суис, мыйла менө коринныд татчө? Ме тэрмасы, ог эшты. Меным колө сөвтчысьяс бригадаө на волыны талун...

— Удитан!— чөвтыштіс Бобров; таркөдыштіс чуньяснас пызан пөвійө, здук-мөд ещө на видзөдіс ныв вылө, сэсса юалис стрөга:

— Мый төдан механик йылысь?

— Кузьмич йылысь?— стөчмөдіс Василиса.

— Да, сы йылысь. Сөмын веськыда, нинөм дзэбтөг!

— А меным дзик нинөм дзэбны. Сійө прамөй морт, веськыд морт, бур сьөлөма да шань. Посёлокын быдөн сійөс радейтөны. Юав коть пионерьяслысь.

— Пионерьясөс вай энотам, найө — челядь. А ме вот кывлі мөдарө: суклясьысь, лөк морт сійө, клеветник! Мый та вылө шуан?

— Мый?— звирк сувтіс Василиса. Вирыс сьлөн чепөсйис чужөмас, быттө пельясыс сотчыны кутісны.— Борис Венедиктович, ті кө шутитанныд-а?

— Тадзи оз шутитлыны. Базалөн план оз тыр. Мыйла? Медводз машинаяс вөсна. Машинаяс жугласьөны, простойяс. А коді мастерскөйинас веськөдлө? Кузьмич! Со көні медся ыджыд помкаыс.

Василисалөн кутісны тіравны вом дорьясыс, сэтшөм забеднө лои мортөс весь мыжалөмысь.

— Кузьмич — бур, честнөй морт!— чорыда шуис трактористка.— И нинөм сы вылө вождьны став лөкторсө. План оз тыр? Сыысь ставным мыжаөсь, ставным лөка уджалам. Көні запаснөй частьяс? Мыйөн сійө кутас бура ремонтируйтны машинаяс? Запаснөй частьяссө судзөдөм йылысь медводз колө төждысьны администрациялы.

— А коді таргайтö мастерскöйысь инструментъяс, материал?— юалис Бобров.

— Кутшöм инструментъяс, кутшöм материал? Оз, оз! Кодкö тiянылык суклялöма сы йылысь. Кузьмич кодь честнöй морттö колö корсьны!— чорыда эскöмөн шуис трактористка.

— Ме вöли сiдзи жö чайта, но — фактъяс, фактъяс!— Бобров чеччылис, кык зептö кияс суйöмөн пöкаживайтыштiс да бöр пуксис.

Комнатаын вöли чöв-лөнъ. А ывлаын бушуйтчис лөкмöм поведдя, коясис öшиньö лымйөн.

Василиса эз тöд, мый вöчны. Вежöрас некыдзи эз пуксьыны инженерлөн кывъясыс. Кузьмичлы ныв веритiс аслыс моз жö. Сы вöсна татшöм мыжалöмыс кажитчис дзик лöсвятöмторйөн.

— Мый кöть эн шуöй, а ог верит!— юрнас пыркнитiс Василиса, пыдiсянь ышловзис да чеччис мунны. Табак тына жар комнатаын пукалöмысь юрсö кутiс жугöдны сылысь. Но Бобров бара на сувтöдис.

— Василиса Григорьевна! Кодi дорйö лөк мортöс — зэв ыджыд мыж босьтö ас вылас,— стрöга шуис сийö.— Думышталы бурджыка. Кыдзи комсомолкаöс, ме тэнö велöда лоны веськыдөн да сюсьөн. Медся бур тэныд гижны сы йылысь газетаö: не дзевны, а петкöдны эрдö став няйтсö!

— Тi, колöкö, лэптöй бур йöз вылас няйтсö, а ме ог!— вундыштiс Василиса, крута бергöдчис да петiс.

Недыр мысти сийö котöртiс нин туй кузя посёлөкö. Син водзас шуксис лым, и сэтшöм жö ногөн юрас шуксисны мөвпъяс. Лэчыд төв пöльтiс чужöмас, зiлис трактористкаöс уськöдны кок йывсьыс, но ныв тайöс эз чувствуйт, пыр котöртiс, пыр котöртiс.

VIII

Колис ещö некымын лун. Сикт шойччис лунся уджъяс бöрын. Ошиньясын гажаа ворсöдчисны бияс.

Колхоз правлениеысь петисны Воробъев да Шудова.

— Вот и тэд бригада лои котыртöма. А вöлі шуöны, нинöм пö оз артмы,— Василисаöс сойбордйöдыс кутиг-тыр гажаа шуис Воробъев.— Колхозникъяскöд бур ногөн сёрнит, висътав кызди да мый, найö отсаласны.

— Ме зэв рад,— долыда шуис Василиса.

Парторг да трактористка сёрнитисны колхозной бригаде котыртöм йылысь. Базалы эз тырмы уджалан вын. Медсясö сөвтчысьяс эз тырмыны.

Колö вöлі сөвтчан уджсö ладмöдны. И Шудова сёлöмсянь босътчис. Шыöдчисны колхоз правлениеö. Сийö чукöртис колхозникъясöс, кодъяс прöстөсьджык. Воробъев, Шудова сёрнитисны накöд, висъталисны, кутшöм отсöг база виччысьö насянь. И вот, медбöрын, котыртчис бригада. Руч Иванöс шуисны индыны бригадирөн.

Шудова надейтчис тайö бригада отсöгөн унджык кубометр кыскыны, и сы вöсна öнi збоя вöсьлалис туй кузя.

— Эм ещö менам öти дум,— юрсö неуна пöлөстыштöмөн видзöдлис Воробъев вылö Шудова.

— Мый сэтшöмыс?

— Кöин Шор дорса чойсö тöданныд? Омöлик места. Кор сэт лэччан, синмыд век суютса. Трактористъяс полöны да оз лысьтныгырысь составъяс босътны. Збыль, абу гажа сёлöм вылад, кор кутас матысмыны сийö чойыс.

— Öнi, Василиса Григорьевна, нинöм он веж, выль трасса оз кутны писькöдны.

— Ме ог и шу выль туй писькöдны, а кытшовтны

чойсö позьö. Утилаын эм эськö увтасыс, но öнi кам кынмöма. Сэтi позьö кытшовтны чойсö.

— Колö видзöдлыны. Гашкö, и сулалö сiдзи вöчны. Трассасö гожöмын вöчисны, а öнi кö сэт кынмöма, мыйла не вöчны кытшола туй?

— Кынмöма, кынмöма!— эскöдiс Василиса.— Неважөн ме бура гөгөр видласи. Артмас!

— Колö ещö артыштны, уна-ö уджыс кытшола туйсö вöчны. Йöзыс öд мян оз тырмы.

— Сёрнитны кö йöзкöд, висьтавны налы, субботникөн позяс кыз уджсö вöчны. Комсомолецъяскöд ми сёрнитiм нин ас костын. Найö дасьöсь уджавны шойччан лунъясö.

— Дельнöйтөр висьталан, Василиса Григорьевна. Думыштлам та йылысь,— ошкыштiс Воробьёв.

Найö кутiсны матысмыны клуб дорö. Öшиньясын тыдалiс югид би, кылис гудöкасьöм шы.

— Пыралам,— кутiс нуöдчыны Василиса.— Меным окота йöктыштны талун.

Воробьёв лэдзис нывлысь кисö да серöктыштöмөн шуис:

— Пыравлы йöктышт, а ме ог эшты. Мöдысь дзик нин пыравла тэкöд йöктыны.

— Но инö кута мöдысьöдз виччысьны. Кöсйöмтортö пö куим во виччысьöны,— гажаа шуис Василиса. Воробьёв, сералiгтыр жö, топыда кутлис сылысь кисö да мöдöдчис туй кузя.

Турöб бöрын пуксис кöдзыд, сэзь поводдя. Енэжыс вöли югидлöз. Уна рöмөн пöртмасисны кодзувъяс. Рытиввывсянь, керка юръяс сайысь, синлы тöдчана öдөн локтiсны вöснидик сера кымөръяс. Найö быттьö исковтiсны гылыд енэжöдыс, пыр ёнджыка и ёнджыка матыстчисны эзысь чарлаөн öшйöм тöлысь дорö.

Василиса котөрөн пырис колхозной клубо, кони гажыс самой воли оддэма. Пөсялом долыд чужомьяса зоньяс да нывьяс йөктисны кадрель. Лөз, гөрд, виж сарапаньяс, көрөм сосьяса еджыд ковтаяс гажөдисны син. Найо бергалисны югыд зал шөрын, кыисны кадрильлысь мича узор. Зоньяс тшапа сизьдисны каблукасыон, гораа зымйөдлисны кокнаныс, өзийөдисны ныв чужомьяслысь өмидз вирсө. Алөй гөрд меха баян мургис басьябон, зильгис вөсни лэчид гөлөсыасон.

Йөктысыяс пөвстын тшөтш бергалис Лыткин. Сийо воли виль костюма. Кадысь кадө сийо тшапа пыркнитлис юрнас, медым вештыны син весьтас өшийом русой юрси пратьсө. Сергей казялис Василисаөс да нюмдис.

Василиса пөттөдзыс гажөдчис. Гажөдчөм помасьөм бөрын том йөз ватагаон петисны ывлаө да сылигтыр кутисны разөдчыны.

Лыткин восьлалис Шудовакөд орччөн. Сикт помө воигөн найо торйөдчисны ватагаысь да мөдөдчисны базалань.

Гажа рыт бөрын Василисалон век на өзийисны чужомбаньясыс, и синьясысь солькьясис долыдлун. Татшөмнас сийо важөн нин эз вөвлы.

— Кутшөмджык Войвожсыд кыскасьнытө? — юалис Сергейлысь сийо, кор юрыс сайкалыштіс ыркыд ывла вылас.

— Зэв бур, — вочавидзис Сергей. — Көин Шор дорса чойсыс көть мыні. А тэ тай бара нин содтысьны пө көсьян?

— Кывлин мыйкө?

— Районной газетысь талун лыддим. Трактористьяс шуоны — некыз он вермы содтысьны кыксёмысь вылө, Көин Шорысь водзө он во. Да и начальник Бобровкөд ме сөрнитлі...

— Бобровкөд?— видзөдліс сы вылө Василиса.—
Мыйкө зэв нин ті кутінныд лөсявны.

— Сійө велөдчөм, дошлөй морт.

— Дошлөйнад дошлөй. Небыда вольсалө, да чорыд узылынытө.

— Прөста тэд кажитчө,— дөжныштис Сергей.—
Мукөд начальникыд оз и сёрнитны, а тайө абу сэтшөм.

— Со өд кызди сьөлөм вылад воөма,— дивитан гө-
лөсөн шуис Василиса.— Но, ладнө, бур кө и мед. Газет-
сьыд, шуан, лыддин менсьым чукөстчөмсө? Вай кутам
ордйысьны. А?

Сергей эз друг вочавидз, мыйкө дыра чөв восьлаліс
орччөн.

— Чөвлы та йылысь,— Василисалысь кисө топыд-
джыка кутис Сергей.— Ме важөн нин лөсьөдча тэд өти
кыв висьтавны, но век кызкө ог слөймы.

— Висьтав,— сюся видзөдліс Сергей вылө ныв да
пыр гөгөрвоис, мый көсйө висьтавны.

— Помнитан тракторнөй курсьястө? Велөдчөм-
нымөс?

— Помнита, Сергей.

— И ме помнита,— Сергей чөв олыштис, сэсся ыш-
ловзис:— Ме, дерт, мыжа тэ водзын... Сэки ми лөсяв-
лім тэкөд. Помнитан көка, югыд тувсов войястө? Огө
и төдлө вөлі, кызди лэбыштасны. Мукөд дырйи кыа
чепөсйө, шонді көсйө петны, а век оз мунсьы. Ме вөлі
вида шондісө, кытчө, мися, и тэрмасьө петны, а тэ сера-
лан вөлі...

Ныв төкөтө нюмйыштөмөн кывзис. Пеляс сылөн
юргисны ловзян тувсов асывлөн шыясыс, син водзас
вераліс сөдз сынөд, весиг быттө кыліс шонид тувсов
төврұлысь чужөмас пөльтөмсө. Сьөлөм казьтыліс мыйкө
лөсьыдөс, мусаөс, но зэв ылысаөс...

— Помнита и тувсов войяс,— мөвпалігтыр гарыштіс ныв.— Меным сэк вөлі сөмын на дас көкъямыс ар, челядь вөлі, йөй руа.

Сергейлөн зэв вөлі ичөт надеяыс вөрзбөдны Василисалысь сьөлөмсө, но век жө талун смелмөдчис стрөка сюрөм вөсна, мөдысь, гашкө, оз и сюрлы сэсся колльөдны. А нылыс өні кажитчис ёна мусаөн. Сэк сійө вөлі жебыник яя, шыр бөжъяс моз чурвидзысь вөснбыдик көсаяса. Но кык воөн сійө төдтөмвыйөдз шаньмис: гөгрөс чужөма, вылын морөса, збой да визув. Да и бур уджөн нималө өні.

— Эз өмөй сьөлөмад нинөм коль тэнад, Василиса? Ныв чөв олыштіс, сэсся вочавидзис:

— Эз... Со, тэнад кывъясыд оз нин вөрзбөдны менсым сьөлөмсө, сідзкө, көдзалөма сійө. Сергей, веськыда висьтала: энөвтөм бөрад места вөлі ог аддзы аслым. Төдін кө эськө, кутшөм ме лөг вөлі тэ вылө сэк! Сійө лөгыс, тыдалө, и сөйис радейтөмсө. А өні дзик веськодь. Миян костын ставыс помасис. Тайө и тэд и меным бурлань, Сергей. Сөмын мөдкөд сідзи эн нин вөч.

Тадзи сөрнитігтырйи найө воисны базаө. Ныв сувтіс да кинас лөсьөдыштіс юр вывсьыс еджыд беретсө.

— Менам кыв татшөм: мый вөлі — вөлі, тэ вылө лөг ог кут, а важө бергөдчөм оз ло. Прөщайты!

Сергей юрсө өшөдөмөн колис сулавны...

Сиктын ылын кыліс нывъяслөн сьылөм. Сера кымөръяс важөн нин удитөмаөсь нылыштны чарла төлысьсө. Синлы тыдалан өдөн найө лэбисны рытиввывсянь асиввылө.

Василисалөн унмыс эз на лок и эз вөв окота пырны гортас. Лыткинкөд янсөдчөм бөрын сійө тэрыб оськөдөн, юрсө неуна копыртыштөмөн, муніс Кузьмич ордө. Гаж петіс аддзөдлыны сійөс, видзөдлыны, кызди оло.

Кузьмич вöлі öтнас. Пызан дорын сійö мыйкö зiля гижис.

— А-а, тайö тэ, визя орда!— нимкодя шуис Василисалы.— Пöрччысь да шонтысь.

Комнатаас вöли жар, но Кузьмич пукалис шоныд свитера да шарпа. Крöвать дорса ичöt пызан вылын стопаөн куйлысь книгаяс да газетъяс бокин сулалисны лекарство дозъяс. И комната сынöдыс вöли йиджтысьöма лекарство дукөн.

— Кутшöма олан, Кузьмич? Ёна-ö висьöдö?— тöждысяна гөлөсөн юалис ныв, пöрччысис да пуксис сылы паныд.

— Ола тай, сьөлөмöй мыйкö чотны кутис.

Кузьмич босьтис öчкисö да ньöжмыдик вöрасөн сюйис футлярö, сэсся öзтис трубкасö.

— Бобровкөд зыксьöм бöрын мыйкö быттö орис сэтөн, дай эбöсысь друг уси. Но, да справитчам, справитчам.

Ныв видзöдис сы вылö да думнас шензис, кутшöма друг вежсьöма механик: чужöмыс вижöдöма, сингуранъяс пыдöджык вöйöмаöсь, нырыс ёсьмыштöма. Медым вöтлыны юрас локтан гажтöм мөвпъяссö, Василиса юалис:

— Мый нин гижан вöли?

Кузьмич стрöга видзöдлис да трубка помнас шылькнитис дзорман ус кузяла.

— Ставсö гижа, мый эм сьөлөм вылын. Парткомö,— шуис сійö, чеччис да, мудзöм кос вылас кисö пунктöмөн, кутис надзöник ветлöддыны джодж дöра кузя.

— Тайö лун-войсö крöватьын туплясигам унатор мөвпалі, нылö. Ме тайöс тадзи ог коль. Сійö сюсь, да и ме төвйылöм воробей.

— Код йылысь нö сідзсö?— юалис ныв, кöть эськö гөгөрвоис ачыс, кодöс гаралö механик.

— Прамөй начальник оз тадзи видзөд аслас уджалысьясис вылө,— водзө кутис сёрнитны Кузьмич.— Да и уджыс эськө мөд ногджык сылөн мунис. Ме вот гижигазетө, а сылы чушис тайө. Оз пө ков ас керкаысь ёгсө ортсө петкөдны. Сидз мөй колө критика вылө видзөдны? Ме ставсө гижа, мед видлалөны, коді прав,— ёнджыка и ёнджыка пузьёмөн сёрнитис механик. Төдчө, ас кежас унаысь мөвпалөм думъяс висьталө.

Ныв казяліс Кузьмичлысь öзйөмсө, киөдыс небыда босьтис, бөр вайөдіс пызан дорө да пуксьөдіс.

— Чөвлы скөрмынытө,— меліа шуис сійө.— Тайө лунъясө чукөртам собрание. Сэні сёрнитам, сөмын бурдөдчышт сэк кежлө.

— Колө, ёна колө!— пызанө таркөдөмөн висьталіс механик.— Мыйкө абу лада сылөн, кывйыс да уджыс ёна нин зэв торъялөны.

— И меным сидз жө кажитчө,— шуис Василиса да пуксис Кузьмичкөд орччөн.— Ме өд могөн тэ дорө. Думышти сьөкыд составлы крут спускъяс вылын тормоз да вот косья вөлі сёрнитыштны тэкөд. Отсыштан?

— Дерт жө, дерт жө,— шуис механик да кутис идравны пызан вывсьыс лишнөй көлуйсө.— Вай висьтавинө, мый думыштөмыд. Менам өні оз жө узьсьы-а, вай пукалыштам, гашкө, збыль мыйкө колантор пузяс.

Василиса нуөдіс гребёнканас юрси кузяыс да, кисө Кузьмичлы сой вылө пуктөмөн, кутис висьтавыны. Кузьмич кывзис да дакайтис, босьтис бумага, линейка, угольник.

— Час, чертитам,— шуис сійө, и кыкнанныс копыртисны бумага весьтө юрнысө — өтиыс дзорман, мөдыс пушкыр юрсиа, сы улысь тыдыштан поснидик пельяса...

Колис час дай мөд. Важөн нин чуксасис петук. Найө век на, воча юр копыртөмөн, ас гөгөрсьыс ставсө вунөдөмөн, уджалісны джын гөлөсөн варовитігтыр.

IX

Вылыс склад, кытчө локтіс уджавны Руч Иванлөн бригада, вөлі базасянь 17 километр ылнаын, джуджыд вөр пөвстын. Паськыда весалөм кушинын куйлісны кер бунтьяс. Керьяс мичаось, ёнось, мукөдлаас куйлөны некымын судта.

— Босьтам! Нөшта босьтам!— катище пасьтала юргөны сөвтчысьяслөн горөдлөмьяс. Зорйыштан керьяс вөрзёны да кывзысяна тупыльтчөны места вывсьыныс.

— Нөшта босьтам! Енджыка!— Керьяс тупыльтчөны водзё и водзё да медбөрын кайөны тракторнөй додьяс вылө. На бөрся выляс нин тупыльтчөны. Сөвтөм бөрын, сувтөдаласны стойкаяс да крепитасны чепьясөн.

Колхозникьяс уджалөны зіля. Выльысь выль комплектьяс тырөны вөрөн. Со, найө сулалөны тракторнөй туй пөлөн, лэччөдөм виччысьөны.

Руч Иванлөн бригада первойя луньяссияныс кутіс тыртны нормаяс. Оні ещө нин кывзысьөмөнджык тупыльтчөны керьяс, гажаджыка пуө уджыс. Лун шөр кежлө дась нин сулалісны сөвтөм дас вит комплект. Позис нин и шойччыны.

Бригадир пуктіс зорсө да пуксис кер вылө.

— Куритчөй, мужикьяс,— шуис сійө и сөвтчысьяс кутісны чукөртчыны сы дорө. Ставныслөн тошныс гыөртөма, вомсьыныс петө ру, локтігмоз чышкалөны чужөмсьыныс пөсьнысө, пыркөдоны гын юрьяс выльысь лым. Чукөртчисны, пуксялісны өтлаө да мөдісны варовитігтыр тшынасьны.

— Эк, мыйдөм бара уджалім!

— Тадзтө, мужикьяс, стахановецьясөн на лоам,— шмонитөмөн нисьө збыльысь шуис нейджыд тушаа Самко. Кепысьяссө вөнъ костас тувйыштөма, гынку шап-

касё балябёжланьыс йёткыштёма сійё да нёнялө ас вөчөм каллянсө.

— Төв чужъявны тон эгө локтөй; уджалам сідз, мед бөрынас эз кутны дивитны гортсаяс!— висьталіс Самкокөд орччөн пукалысь зон.

— Регыд нин, көнкө, Шудоваыс воас.

— Воан кад.

— Талун сійё нельсё куб тшөктіс дасьтыны миянлы.

— Смел нылыс, батыс рөдө мунөма!— сёрнитісны колхозникъяс.

— Смел. Важөн вөлі нель мужик сымда вөртө төвбыд вөчам.

— Оні йөзыс сюсьджыкөсь. Мый нин шуан важ йывсьыд...

Отнас Руч Иван эз сёрнит, быттё эз кывзы мукөдьясыслысь сёрнисө, пукаліс да лебезитіс ёсь тошсө.

— Иван, висян кө-а?— юаліс сылысь Самко.

— Ог эськө вись да, мыйкө шог тай,— шыасис Руч Иван.

— Этатшөм олөмөн шог,— дивитан гөлөсөн паныдаліс Самко.— Сьёлышт шогыс вылө. Важөн ёна шогсьылім, а оні визув ва став шогсө кылөдіс. Микит поп йывсьыс кывлінныд баснясө?— друг сёрнисө вежөмөн мужикъяс дорө шыөдчис сійё.

— Висьтав, висьтав!— ызийөдыштісны дядьөяс. Найө төдөны нин, мый Самко кодя небыличаястө некод мөд оз куж висьтавны. И сэтшөм тешкодя век сылөн артмө, көть ещө нин сьөлөм вылад шог, а петас серамыд.

— Шонъянөй батысянь на кывлі,— зэв збыльысь заводитіс Самко.— Китө грездын Микитыс поповлөма. Да сэтшөма радейтлөма пөрьясьны, оз кө пөрьяв, войыс оз узьсы сылөн. Вот өтпыр кутөма лөсьөдчыны пропо-

ведь лыддыны. Ассъыс морттуйсö вöлөм тöдö да, медым не дзугсьыны, дяклы и шуас:

— Мыйкö несидз кö кута сёрнитны, тэ, зонмö, кызöкты чорыдджыка, мед кыла.

Вот öбедня помö попыд и петис проповедь лыддыны. Малыштіс вöв бöж кодь ус-тошсö, видзöдліс гөгөр да и заводитис. Сидз да тадз да, овліс пö Георгей победоносец, нинöмысь пö эз повлы, вöв вылын гөнйайтіс. А бöжыс вöлыслөн вöлі пö куим верст кузя.

Дяк кöза тошкас кутчысис да гораа кызöктіс. Поп видзöдліс сы вылö, гөгөрвоис, тököтьö лишнöй сөдтыштіс. Куим верст, шуö, гашкö, дзиксö пö эз жö вöв, а верстөн джынйöнтö дерт нин вöлі. Дяклы бара на сьöлөм вылас эз во да кызöктіс. Поп бугжыльтліс жö эськö, но бара на веськөдчис: шуö, верстөн джынйöннад, гашкö, и эз вöв, а верст джын кузяыс дзик нин вöлі. А дяклы ещö на эз кажитчы да сэтшöма кызöктіс, кутшöмкö пöч вöлөм вугралö да черöбтіс быдөн. Попыдлөн вирыс пузис, тош йылөдзыс гөрдөдіс. Лэптіс чаль чуньсö да, дяклы петкөдлөмөн, горөдіс:— Да öд эз жö та кузя вöв!..

Мужикъяс вак-вакөн сералісны да смешитчисны пөръясьысь поп вылын. Оні и Руч Иванлөн нюмыс петис. А медся ёна сераліс ачыс Самко.

Тайö здукö трасса помын тыдовтчис верзьöма вöла. Самко медводз аддзис да индіс чуньнас:

— Со, Бобров локтö.

Мужикъяс кутісны виччысьны локтысьöс.

Бобров локтіс седлöа вöв вылын. Седлöын сійö пукаліс зумыда, веськыда, шуйга кинас домповодсö кутöмөн, мичаа лайкъялігтыр. Сійö рөдйөн матыстчис пукалысьяс дінö да, вöв вылысь чеччышттөг, стрöга шыасис:

— Пукаланныд?

Сөвтчысьяс видзөдлісны өта-мөд вылө. Самко сувтіс да, кияснас тшөтш аслыс отсалөмөн, вочавидзис:

— Ми тані лөз төдчөмсянь уджалам. Муртса куритчыштны пуксим.

— Ну-с, вот мый,— чөв олыштөм бөрын висьталіс Бобров,— час джын мысти локтас Шудовалөн машина. Сөвтінныд сылы вөрсө?

— Со тай, дась сулалө,— вочавидзисны колхозникъяс. Бобров лэччис вөв вывсьяс, перйыліс портсигарсө, босьтіс папироска, гораа шлочкөбтөмөн бөр пөдлаліс, өзтіс да кыв ни джын шутөг муніс видлавны, кызди уджалөмаось сөвтчысьяс.

— Талун мыйкө абу варов.

— Мый йылысь нө миянкөд сылы варовитнысө..

Колхозникъяс, Бобров йылысь сёрнитіг, разөдчалисны да заводитісны уджавны. Бара кутісны кывны быгыльтчан керьяслөн троньган шыяс, бара то өтилаын, то мөдлаын кутісны кывны сөвтчысьяслөн гөлөсьяс:

— Босьтлам!.. Нөшта босьтлам!.. Ёнджыка!

Быд комплект дорө сувтлөмөн Бобров видзөдіс сөвтөм ногсө, мукөдлаас кинас видлаліс стойкаяслысь ёнлунсө, чепьяслысь зэлыдлунсө. Сідз сійө кытшовтіс став дась комплектсө. Кор жө кытшовтіс ставнас, чукөстіс ас дорас Руч Иванөс. Ыркмуніс фьолөмыс сылөн, надзөник пунктіс зорсө да довгис сэтчө.

Бобров пелька пуксис седлөө, вөтлыштіс вөвсө водзөджык, көні некод эз вөв.

— Ну-с,— шуис сійө, кор бригадир сувтіс сы водзө.— Мевысь тэ пышьялан, гортад он волы. А водзө виччысьны ме ог көсйы. Талун войнас кө он вай, мый менсьым зепталін, бур эн виччысь.

— Борис Венедиктович, ме жө висьталі нин: абу, нинөм абу ме ордын!— шуис Иван.

— Ог верит. Мый шуи — мед вöлі вöчöма! Тайö медбөрря кыв менам! — вундыштіс Бобров. — Да мый синтö мейсь дзедан? Видзöд веськыда, эн яндысь, абу тэ мича ныв! Оні жö эновт да лэччы гортад. Ме кута виччысьны тэнö. Кылан?

— Ме ог вермы эновтны сөвтчан удж. Талун Шудова ыджыд состав кутас лэччöдны.

— Нинöм, тэтöг уджаласны!

— Менö колхозсянь мөдöдісны татчö, кызди нö лысьта эновтны?

— Мый сэн сöран? — синсö арыштіс Бобров. — Вöч, мый тшöктöны!

Бобров кучкис вöлыслы да кыккокийыв шутөвтис трасса кузя гортлань. Регыд сылөн бердіс кучик тужуркаа паськыд мышкыс.

Руч Иван думнас ёрис асьсö и сійö лөк войсö, кор локтіс сы ордö тайö мустөм мортыс. Эз, эз бур вылө найö тöдмасьны.

Тöрыт Шудова воліс сөвтчысьяс дорö, сёрнитіс, корис бурджыка сөвтны. Лөка поньталөм öти комплект вöсна вермас рейсыс торксьыны. И найö көсийсны тöрыт, сетісны чорыд кыв — сөвтчыны бура, честнöя. Вежны кывсö? Та йылысь эз и мөвпав öні Иван. Но висьтаваны-ö кытчö колö Бобров йылысь — со мый сира желльöн öні сатшвидзис сьөлöмас. Öтарсянь гөгөрвоис: колö висьтаваны. Мөдарсянь, поліс асьыс важсö йöз син водзö петкөдöмысь, поліс и Бобровысь. Татчö, базаö локтөмсянь нин сійö венласис; ачыс аскöдыс, но век сьөлöмыс эз тырмы висьтаваны. Öтпыр весиг пасьтасьліс и мөдöдчыліс нин, но порог дорсянь бөр бергöдчис. Асьсö ылөдліс сэтшөм думөн: гашкө пö ставыс тайö кызкө ордьяс на сійöс, гашкө, Бобровыс эновтас сійöс, гашкө, ещö мыйкө лоас да сәки мынас нин...

А тайё каднас Шудова матыстчө вөлі вылыс склад дорө. Сьёлөм вылас сьлөн вөлі кокни и долыд. Сылы ставыс талун кажитчис мичаён: и посныдик кымөрьяса лөз енэжыс, и вөрыс, коді помала кыссис трасса пөлөн, и аслас «Сталинецлөн» вына мургөмыс, коді шызьбөдіс ывлавывсө, и радиатор весьтын дөлалысь ичөтик гөрд флажокыс, коді быттё долыда өвтчис сылы.

Но вот сійё видзөдліс часі вылө — график серти колө нин вөлі матысмыны вылыс складлы. Содтыштис скорость. Трактор здрөгнитыштис, өддзис гусеницаяслөн бергалөмыс.

Василиса бура төдіс машинасө и радейтис сійөс. Кыткө кө «висьө» сьлөн, пыр нин казялас уджалан шы сертыс. Но өні мотор мургис шылыда.

Тыдовтчис вылыс склад: кер бунтъяс, йөз, тыра и тыртөм комплектъяс. «Сталинецлөн» горыс паськаліс гулыд катище кузя. Уджалысьяс өвтчисны сылы.

Тыртөм состав торйөдөм бөрын Шудова выключитис моторсө, ачыс збоя чечыштис муө да муніс видзөдлыны сылы лэччөдөм вылө дасьтөм комплектъяс. Трактористка бура ставсө видлаліс да шуис колхозникъяслы:

— Аттьө, бура уджалөмныд.

Колхозникъяскөд недыр сёрнитыштөм бөрын Шудова муніс машинаыс дорө, пуксис да лөсьөдчис кутчысьны состав комплектуйтны.

Водзвыв бура лөсьөдчөм вөсна состав комплектуйтөм муніс бура. Шудова сувтөдаліс трасса вылө тыра додьяс да коліс найөс сцепщиклы, а ачыс муніс порожняк меститны.

Став тайё уджыс артмис өдйө, график серти. Шудова вөлі рад.

— Ме тшөтш лэчча тэкөд,— туйө вөрзбөдчыны лөсьбөдчигас нин локтис Руч Иван сы дорө.

— Мый сідз?— чуймыштіс Василиса.

— Кольбөда. Туйыс кузь дай... быдторйыс вермас лоны. Гашкө, отсөг ковмас,— вочавидзис Иван.— Ме сёрниті бригадакөд. Найө метөг уджаласны. Сэсся ритнас пө лоө базаын собрание. Ме көсья кывзыштны.

— Мунам либө.

Шудова бөрынтьлыштіс машинасө, сэсся вөлею босьтөмөн вөрзбөдіс места вывсьыс сьбөкыд составсө да мөдөдчис базалань. Трактор зэлөдчөмөн кутис мунны ка-тище кузя. Уджалысьяс долыда горзисны, Самко дядь өвтчис көч ку шапканас.

Шудова видзөдіс водзвылас вольсьыштсьөм трасса вылө. Киясыс дась куйлісны веськөдлана рычагъяс вылын.

Туйыс кузь. Регыд кутас рөмдыны. Көин Шорсө ковмас пемыдөн нин лэччыны. Шудовалөн думьясыс кутисны та гөгөр бергавны. Быд километр прөйдитөм бөрын, Көин Шор дорө матыстчөмкөд өттшөтш содіс сылөн төждысьбөмыс. Талун нельсө кубометр, со тай мый кузя бөж вөтчө!

Василиса төдіс: өні сыысь не омөльджыка майшасьбөны и мукөдъяс, а Кузьмич, көнкө, медся ёна.

Заводитіс нин и пемдыны. Енэжыс быттьбө улөджык лэччис, вөрыс рудөдіс. Шудова өзйөдіс фараяс. Кык электролуч чепөсйисны машина водзвылө.

Шудовалөн думыс бара нин выль: сійө мөвпаліс сы йылысь, мый райком шуөма сійөс арнас мөдөдны Москваө велөдчыны. Тшөктисны өнісянь нин ёнджыка лыддысьбөны. Төждысьбөны. И сылы нимкодъ тайө төждысьбөмыс вөсна.

Москва! Шудова некор на эз волю сэтчө, но кывліс

унаысь. Сылөн важыся думыс ас синмөн аддзывны Москва, дзирдалан кыпыд кар, мирсыс медся первой карсё; аддзывны Кремль, мавзолей, Ленинос, код йылысь сэтшөм пöся, сэтшөм радейтөмөн висьтавлывліс сылы матрос батыс на...

Бöрса поезд исковтис пыр водзö и водзö. Но вот ывла выв серпасыс кутис вежсыны — пожöма яг коли бөрö, заводитчис козъя вөр. Шуштөмджык да гажтөмджык лои гөгөрбок. Матысмис Көин Шор. Недыр мысти тыдовтчис чойгуров локтөм йылысь чуйдöдан пас.

Шудова кутис вочасөн кусöдны сьöкыд составлысь мунан öдсö. Чой дорöдз метр ветымын эз во да дзыкöдз сувтис, сэсся ачыс лэччис муö. Колö вöлі ещö öтчыд видзöдлыны составсö. Пöнара биөн киас ветліс комплектысь комплектö, кытшовтис сөставсö, быд стойка прöверитис, абу-ö вөрзьöма, быд чеп видліс, абу-ö личалöма ли орöма. Ставыс вöлі бур, и Шудова ошкыштіс:

— Быттьö көртөн дорөмныд, нинөм абу лоöма.

Сэсся отсасысьыс дорö шыасис:

— Мыйкö кө сэн бөжас лоас, öвтчы пöнарнад. Мөдим.

— Ме тшөтш тэкöд! — сы дорысь воськов эз кольчы Иван. Шуанногыс, и гөлöсыс, и став сёрниыс сылөн петкөдліс полөм. Шудовалы тайö эз кажитчы бурөн.

— Мый тэкöд талун, Иван дядь?

— Ме... ме нинөм, сөмын көсья öлөдны: виччысьöмөн лэччы.

— Да тэ эн велөд, а висьтав мый тöдан!

И вот сэки Иванлөн быттьö мыйкö орис, ставсö висьталис Бобров йылысь: и ськөд талунъя сёрнисö, и важсö сылысь.

— Лөк вежөм! — сөмын шуис Шудова. — Лэччам Базаö да висьталам Воробьёвлы. Сылы колö тöдны та йылысь.

Шудова нөшта өтчюд кытшовтіс составсө, нөшта өтчюд видлаліс быдлаті, но бара на нинөм лөкторсө эз аддзы, пуксис машина вылө да кутчысис рычагъясө. «Сталинец» дрөгмуніс, кывзысяна бөрынтьчыштіс, сәсся небыдика сетчыштіс водзө. Поезд вөрзис медся ичөт өдөн, матыстчис чой йылө да заводитіс лэччыны.

Трактористка кыліс, кызди ставыс сы пытшкын зэла-лөмөн оліс, став тушанас кыліс, кызди зэлөдчис и маши-наыс да заводитіс ёнджыка и ёнджыка сырмыны, быттьө ловья — сійө аснас пыкис сы вылө сөлан составлысь сьөктасө, но век жө ньөжйөникөн лэччис водзө и водзө. Со нин воис чой шөрас. Трактористка унаысь видзөд-лывліс бөрвылас, век виччысис аварийной сигнал. Но сьөд кузь визьөн кыссьысь состав бөжын сійө эз тыдав, сідзкө ставыс бур.

Со нин и ньывкөсджык лоис чойыс. Кокниджыка ло-лыштіс Шудова, көть эськө полөмыс эз на быр.

Поезд лэччис. Тормоз вермис кутны.

Вөрсә поезд, кодөс вайөдіс Шудова, кутіс матысмы-ны база дорө. Ылын тыдаліс уна биясөн югдөдөм база. Шудова аддзис нин, кызди сылы паныд котөр-тісны мортъяс. Сылы горзисны:

— Мун шойччы, ми меститам вөрсө и машинасө!

Недыр мысти Шудова восьлаліс нин Воробьёвкөд орччөн.

— Руч Иван сёрнитіс тэкөд? — юаліс Воробьёвлысь трактористка.

— Сійө сёрмыштіс. Неважөн районусь локтіс маши-на. Бобровөс босьтісны.

— А көні Кузьмич?

— Мастерскөйын сійө. Рытнас аддзысянныд собра-ние вылын.

Тадзи сёрнитігмоз найө локтісны посёлокө. Шудова

кежаліс гортас, вежис паськөмсө, сөйыштіс да котөртіс клубө.

Сәні йөзыс вөлі тырыс нин. Рабочөйяс некор на татшөм дружиңя эз чукөрмывлыны. Трактористьяс, пөрөдчысыяс, сөвтчысыяс, быдөн, коді талун сёрнитіс трибуна вывсянь, көсйысисны ещө бурджыка уджавны.

Киясөн гораа клопөдөмөн зал петкөдліс ошкөмө кор Василиса кайис трибуна вылө. Мудзыштөм муго чужөма, еджыд ковтаа, морөсас комсомольскөй значка — сійө сёрнитіс збоя, сьөлөмсяныыс, тыр гөлөсөн.

Бөрыннас, Василиса кор лөччис трибуна вылысь. Кузьмич локтіс сы дорө, топыда кутліс кисө д ошкыштіс:

— Зэв бур, визя орда! Тадзи и мун олөмөдыс водзө!

10 коп.

Геннадий Александрович Федоров

ТРАКТОРИСТКА ВАСИЛИСА

Повесть

На коми языке

Обложка худ. С. Добрякова

Редактор С. Морозов.
Техн. редактор А. Вишнева.
корректор А. Надуткина.

Сдано в набор 17/VI-1970 г. Подписано к печати
8/IX-1970 г. Бумага № 1. Формат 70×108¹/₃₂.
Печ. л. 3,42, бум. л. 1,25 (Уч.-изд. л. 3,08).
Тираж 1400. Заказ № 3802. Ц01706. Цена 10 коп.
Коми книжное издательство. Дом печати.

г. Сыктывкар, Республиканская типография Уп-
равления по печати при Совете Министров Коми
АССР.